

~~C 4816~~

Uc 4816



Uc 4816

Clarissimo uirtute Maxim.
rerū usu Nobilissimo uiro, Dno

Antonio D.
viri Dni.

o integerr.

etūm Cel.

o subm.

CHRONICON
REGVM POLO-
NIAE, UNA CVM ORIGINE
gentis Regniq; Polonici, Prouinciarum, di-
strictuum, familiarumq; præcipuarum, ciui-
tatum, arcium, nec non in his aliquorum euen-
tuum ac gestorum, Rempub. tam Ecclesiasti-
cam, quàm politicam concernentium: à LE-
cho gentis Rege, vsq; ad SIGISMVN-
DV M III. Regem, hac tempestate, DEO
volente & benedicente, regnantem,
succinctè compendioseq; descri-
ptum per

ERASMV M GLICZNERVM CHRISTI

Domini seruum indignum.

Pro Consatu & consensu S. M. & S. M. & S. M. ad L. & S. M.

SVIDAS Pag. 201.

Aramentum & calamus immortales faciunt.

THORVNII

EXCVDET ANDREAS COTENIVS

Anno M. D. XCVII.

AD MAGNIFICVM DO-
MINVM IOHANNEM A ROZDRA-
ZEVO, IN KROTOSSYN, &c. HAEREDEM,
REGNI POLONIAE SENATOREM
Inclitum Εφορμόνυμα

SVMVS honcs illis, quorum sub nomine Regum
Longinquo in populo nomina celsa sonant.
Et tibi laus HEROS, Henetos quod in ordine Reges
Sub titulis cernent secula multa tuis.
Id tua maiorum virtus praestat, tuorum,
Namq; colit DOMINOS stirps tua prisca suos.
Bina hinc GLICZNERO debentur praemia ERASMO,
Et quod fert patriae munera tanta suae.
Et te de reliquis tam apte quod perspicit unum,
Qui auspicijs gestes tam sacra dona tuis.
Gaude igitur, PATRIAEE, PATER consuece vocari,
Huncq; tuos & te qui colit, ornat, ama.

IN TRES ROSAS HEROIS
EIVSDEM STEMMA.



TRINA ROSA A TRINO VIRTVTI NYMINE
DONVM EST:
PALLADIS VNA, ALMI IOVIS ALTERA,
TERTIA MARTIS.

Iohan. Rybinski.

Expositio

415 1123030

ILLVSTRI AC MA-
GNIFICO DNO. DNO. IOHANNI DE
ROZDRAZEVO, ROZDRAZEVSKY,
Castellano Poznaniensi, Senatori Regni
Poloniae integerrimo, Domino ac
Patrono clementissimo.



MAGNA est illorum vi-
rorum laus & existima-
tio, Illustris ac Magni-
fice Domine, qui monu-
mentis literarum res a-
licuius gentis, ab homi-
num memoria praeclare gestas, prodiderunt.
Cum enim vita hominis sapiens & iucunda eo
constet maxime, ut experientiam rerum quis
habeat, cognoscatq; quid factum in mundo,
quidq; sequi debeat: ut inde & vitae suae mo-
dum optimum habeat, eiusq; bonis in alta pa-
ce perfruatur, declinetq; ea quae nocitura vi-
deantur. Ad quod omne assequendum, non
potest non commendari ea instructio, quae in
bistoria recte contexta continetur. Et huius

A ij

quidem

quidem studij ac doctrinae erant viri non solū
extra populum DEI inter gentes grauiſſimi,
ſed in populo Dei ſanctiſſimi, qui res in mūdo
geſtas, gnauiter pertractabāt, hitoriasq; earū
contexebant. Quemadmodū enim patriae ſuae
quiſq; ſeruire, non tam beneficijs ab ea acce-
ptis, quā lege ipſa naturae, eſt obſtriſtus:
ita eius geſta memorabilia, praeclara merita,
aliaq; laude digna & ſcitu neceſſaria, exara-
re prodereq; & tanquā in conſpectū mundi po-
nere, permagni apud quemlibet eſt momenti.
Vnde recte dici poteſt, Reipub. tā eum ſerui-
re probē, qui vt incolumis ſit, vel belli pacisq;
tempore, ſuas vigilias, labores, ſudores ei of-
ferat, proq; ea pericula quauis adeat: Sed et-
iam qui eius fortia facta, res clariſſimē geſtas,
literis cōmēdet, promulget, prouebat, quō ſa-
ma perenni floreat. Ut enim vita hominis non
tantū eō cōſtat, quōd exiſtat, ſed quōd probē
ducatur ac cōſeruetur, habeatq; famā memo-
ria digniſſimā: ita regni cuiuſvis geſta à bo-
nis regni ciuib; facta, nec euaneſcere, nec o-
bliuione

bliuione ſepeliri debent. Ex his enim plurimū
utilitatis omnibus hominibus promanare vi-
detur, cū hitoria quauis verē prodita, prae-
luceat ea ſapientia, quae eſt vitae magiſtra.
Vnde & appoſitē & eleganter Theologus
ille magnus Gregorius Nazianzenus inquit:
Præclarum eſt mentem hitoriarum cognitione in-
ſtructam ac reſertam habere; hitoria enim conglo-
bata quædam, & coaceruata ſapientia eſt, homi-
numq; multorum mens in vnum collecta. *Quae*
verba praeclarissima omniq; obseruatione di-
gnissima, vt fuſius explicem, Verba Hitori-
ci non contemnendi Nicetae Choniatae huc
adferam. Vtiliter, inquit ille, inuenta ſunt hitor-
riae, neq; paruas ijs, qui rebus meliorib; ſtudent, cō-
moditates ſuppeditant, tum vetuſtatis memoria
repetenda, tum ingenijs hominū explicandis, tum
varijs eorum conatibus ob oculos ponendis, qui-
bus animorum magnitudo & honeſtatis amor ab
ipſa natura ſuit inſitus. Iā quia vitia perſtringunt;
& praeclaras actiones celebrant, moderatiores ple-
rumq; reddunt, & meliores homines, tam ad vitia,
quā ad virtutem propenſos: ijs duntaxat exce-
ptis, qui turpiſſima educatione corrupti ac mala
conſuetudine deprauati, nullam virtutis rationem
habent.

Gregorius
Nazianzen.
ad Nicobulū
Pag. 959.

Nicetae Choniatae hitor-
riae laudes.

Hitoria vi-
tia perſtrin-
git, virtutes
celebrat.

Historia fa-
cit immorta-
les.

Historia
liber vi.
uentium.

Historia
cōgloba-
ta sapien-
tia.

Prima sa-
pientia.

habent, quia nihil est in rebus humanis præclarius aut magis expetendum. Adhæc ñ quos monimenta historiarū complectuntur, quamuis mortales et obnoxij fatis iam olim vitæ quasi pensum absoluerint, immortalitatis quodammodo fiunt compo-
tes. Nam prout turpiter aut honestè vixerunt, ita benè aut malè audiunt, ac animus quidem in locum suum abit, & corpus in primordia, è quibus compo-
situm fuit, resoluitur, actæ autem vitæ ratio, siue sancta & iusta, siue nefaria & iniuria, obitusq; siue felix, siue calamitosus, clara historiæ voce prædica-
tur. Quamobrè haud ab re liber viuentiū appellabi-
tur historia, rerūq; gestarū descriptio, tubæ clāgor quo iam olim mortui velut è sepulchris excitati in medium producuntur. *Quid proferri potuit præclarius, quid est magis cōsentaneum ver-
bis Nazianzeni, qui dicit historiam esse con-
globatam ac coaceruatam sapientiam, nem-
pè ex gestis heroicis heroicorum virorum cō-
spiratam conflatamq;, ut scias, quid in vita
facere, quid omittere debeas, quæ vitia auer-
sari, virtutes quas imitari oporteat. Hac
enim est prima sapientia, quæ bona sunt &
mala non solum discernere posse, sed illa ad
sequen-*

*sequendum & fugiendum, prudenti iudicio
eligere. Unde etiam tales personæ in histo-
ria producuntur, tanquam ad publicum spe-
taculum, in quo simulachra aspectabilia vir-
tutum ac vitiorum incurrunt in omnium ocu-
los, quò ex his fines bonorum & malorū absq;
negotio quisq; perspiciat. Antiquorum enim
hominum gesta, ut Gregorius Magnus inquit, In Psal. 7.
nobis prophetiæ sunt. Et cū multi multum
egerunt, non tamen, ut Seneca inquit, pere- Seneca Ea
gerunt. Multum adhuc restat operis, mul- pistol. 64.
tumq; restabit, nec ulli nato post mille secula pag. 100.
præcludetur occasio adhuc adiyciendi. Re-
liquerant enim illi maiores fixa vestigia, quæ
consequi cordatus quisq;, & si non maiora, si-
miliatamen præstare poterit facta illustria &
gloriosa. Atq; hoc est quod profert Nice-
tashic, historiam librum viuentium appel-
lari, rerumq; gestarum descriptionem, tubæ
clangorem, quo iam olim mortui velut ex
sepulchris excitati in medium producuntur.
Quod & de Historianostra, quæ est Sarmat-
tica,*

Historia
Polonica
quæ?

tica, Vandalica, Sclauonica, Heneta, verè di-
ci poterit. Eius enim clarissimis monumen-
tis testata consignataq; est antiquitas, & est
multis præstantissimis Historicis, qui gētium
origines & gesta perscrutati sunt, notissima
commendatissimaq;, quemadmodum testimo-
nijs grauissimis & antiquissimis luce clarius
demonstrauit: ita ut inter alias gentes maximi
nominis non immeritò numerari ac recenseri
debeat: idq; non modò antiquitatis iure, sed
& rebus præclarè gestis semper præsentī me-
moriam, quæ ex his Maioribus, quos parte hac
prima exarauit, liquidò patet: ex quibus Prin-
ceps quilibet habet quas imitari virtutes, &
quæ vitia vitare debeat. Et habemus exem-
pla mirabilium Domini, quæ enarrare debe-
mus omnes ex hac stupenda prouidentia Dei,
qua regnum hoc latissimum amplissimum ac-
creuit, Regesq; ipsi ab hominum memoria ad
tantum Maiestatis fastigium euecti sunt,
Respublica varijs temporibus iactata, & vix
non submersa sæuissimis bellorum procellis
quomodo

Historia
Polonica
cur scri-
batur.

quomodo emerferit, & in optimum statū di-
uinitus sit reposita, constituta, & constabili-
ta. Cuius sunt euidentia argumenta, quæ pro
ingenij mei, mihi à Patre nostro cælesti cō-
cesso, modulo, in hac prima descripsi parte:
& magis ac magis id elucebit in reliquis tri-
bus partibus, quas DEO volente, & bonam
vitam ac quietā largiente, descripturus sum.
Ita ut hinc nobis certò persuadeamus, Deum
Opt. Max. huius tam potentis Regni curam
semper ab ipsius incunabulis habuisse, illud
promouisse, amplificasse, auxisse, dilataste,
& ad hoc tempus, quo regnat Sereniss: &
potentissimus Rex noster, SIGISMVN-
DVS III. Rex hereditarius Suecia, Fa-
gellonis illius maxima & florentissima gen-
tis Lituanica inclyti Principis, post Regis
Polonia potentissimi, augustissima proles,
sartum & tectum conseruasse, & ut diutius
conseruare dignetur, ardentibus votis oran-
dum est. Orandum inquam, Nam flagellum
Domini propter atrociora peccata nostra exci-
tatum,

tatum, nobis maximè metuendum est. Nuncq̃
toto animo & studio in hanc curam incumben-
dum, ut ab omnium ciuium huius Regni cor-
pore, ipsa ope diuina amoueatur, ne DEO
ipso magis irritato, seuerius sæuiat. Dicerem
Prophetarum Dni. Consilia, quæ plena sunt
prudentiæ, esse capienda, sequendaq̃. Hanc
igitur primam Regni iamiam florentissimi
potentissimiq̃, descriptionis partem, Celsitu-
dini tuæ, illustrissime vir, dedicare & offerre
statui. Inprimis, propter hanc illustrem di-
gnitatem & honoris amplitudinem, qua inter
alios Senatores, Patres conscriptos, qui in re-
gno sunt publici consilij Domini celeberrimi,
decoratus es, tuq̃ prudentia, studijs ac meri-
tis es ipsi regno commendatissimus. Idq̃ & ex
hoc splendore familiæ Celsitudinis tuæ anti-
quissimæ, quæ longa semper serie Regno huic
viros præclarissimos & florentissimos sup-
peditabat, tam Ecclesiasticos, quàm Politi-
cos, quos percensere singulos, iam non puto
esse operæ precium, cum in conspectu sit vir
pruden-

prudentia & meritis Regni eminentissimus
Illustris Dominus, Dominus HIERONYMUS,
Comes à Rozdrazew, Episcopus Kuiauiensis
& Pomerania, frater Celsitudinis tuæ pa-
truelis, vir honore & nomine maximè con-
spicuus. Alius quinimò DEI beneficio dabi-
tur etiam locus, cum arborem genealogiarum
regum Polonia, Magnatum, Procerum, No-
bilibum, Ciuium, Ciuitatum præcipuarum ere-
ctam & consignatam, diuino mihi astipulante
numine, cum digna & debita quorumuis lau-
de, in lucem proferam. Deniq̃ non minùs
auget mihi dedicandi animum, singularis li-
beralitas & beneficia hæc, quibus studia &
labores literatorum hominum, qui optimè pa-
triæ tam celebri, parenti omniū nostrum dul-
cissimæ, cupiunt, ex hac benedictione DO-
mini, qua diuinitus tua Celsitudo locupletata
est, largiter promouere consuevit. Nec du-
bito meum hunc laborem tuæ clementiæ gra-
tum & acceptum fore, interea dum partes
alias DEO opitulante paro. Oro autem præ-
potentem

potentem DEVM, Dominum cali & terræ,
 vt Celsitudinem tuam, vnā cum illuſtri ac no-
 biliffima coniuge CATHARINA, filia ex
 generoſiſſima item familia PETri de POTu-
 lice, Palatini Califfienſis, Senatoris ſpecta-
 tiſſimi, fratris in Domino defuncti, Stephani
 de Potulice Palatinidis Brzeſtenſis, patroni
 quondam mei omni memoria digniſſimi, nec
 non & cum Celsitudinis tuæ dilectiſſimis ac
 ſpei optimæ liberis, diu multumq; florentem
 & incolumem conſeruare ac tueri dignetur,
 ad nominis ſui gloriam, Regniq; huius decus
 & ornamentum, tuāq; Celsitudinis ſtirpis fe-
 liciffimam, ad omnem memoriam, propagatio-
 nem. Hæc faxit omnia ille, qui eſt Deus to-
 tius cōſolationis & pater miſericordiæ. Da-
 tum Torunij Regia in vrbe. Anno Chriſti
 IEſu M. D. XLVI. Decemb die xviij.

Tuæ Clementiæ

addiſſiſſ.

ERASMVS GLICZNERVS
 Chriſti IEſu ſeruus.

ERASMI GLICZNERI
 CHRONICON.
 REGVM POLO-
 NIÆ REGNIQVE POLONICI,
 AC IMPRIMIS DE GENTIS VERA
 ac conſentanea origine.



ANTEquam Catalogum Re-
 gum omniū, gentis maxime
 Polonæ recensuero, eaq;
 quæ in deſcriptione illorū
 neceſſaria eſſe arbitror, de-
 lineauero, operæ pretium eſt, vt originem
 gentis ipſius, quam breuiſſimè exprimam.
 Sunt viri grauiſſimi, qui gentem Polonam
 Henetos eſſe ſtatuunt, vt & nos certo per-
 ſuaſum habeamus, Polonos Henetos populos
 eſſe. Qui verò populi Heneti fuerint, te-
 ſtimonia de illis antiquiſſimorū historicorum
 producenda ſunt: illorum præcipuè, qui &
 tempore, & fide, veritatem hiftoriæ obtinue-
 runt, Primus itaq; occurrit Homerus Iſaiæ
 A Prophe-

ORigo
 gētis Poi-
 lonæ.

Heneti
 populi
 qui.

Propheta coetanens, qui ita de Henetis pronunciat.

Homerus Paphlagonibus autē praeerat Pilamenis dēsum eos
Iliade 2. Ex Enetis ubi mularum generatio, agro colendo
pag. 99. idonearum.

Sic Appollonius in Argonautico carmine:

Appollos Paphlagonum quibus ut fama est Eneteius olim
nius lib. 2 Iura Pelops dixit primus, Pelopisq; vetusta,
pag. 108. Nunc quoq; Paphlagonēs iactant se stirpē creatos.

Herodo. Herodotus quoq; haec in verba. Leges
tus lib. 1. Vero quae constitutae, ab ipsis haec sunt: Vna
pag. 92. quidem prudentissima. Altera autem
(quantum ego sentio) qua Henetos ex Illy-
rijs audio uti per singulos pagos.

Lib. 5. Et idem in Terpsichore: Horum fines
pag. 336. proximē accedere ad Henetos, qui sunt in
Adria.

His consentit Flavius Iosephus, ex Dei
Iosephus populo Historicus, cuius haec sunt verba: Go-
lib. 1. an- tiquitatu mer habuit tres filios, Aschenaz quidem
Iudaica- Ascheneseos instituit: qui nunc Regini vo-
rum, pag. cantur à Græcis. Riphath autem Riphæos, qui
11. c. 11. dicunt Paphlagonēs. Intelligit autem Io-
sephus

sephus Paphlagonas, ipsos Henetos, Paphla-
goniae primarios & antiquissimos populos,
quemadmodū Strabo attestatur in sua Geo-
graphia inquiens. Id maxime in confesso est,
primariam Paphlagonum gentem fuisse He-
netos, è qua fuit Pilamenes, quem & plu-
rimi ad bellum fuerunt sequuti: qui eversa
Troia, amisso duce, in Thraciam abierint,
vagatiq; deinde in Venetiam peruenerint.
Quos sane Henetos, idem Strabo scribit à
bello Troiano per totum orbem dispersos fu-
isse, haec in verba: Aeneam, Antenorem, &
Henetos, atq; in vniuersum eos qui à bello
Troiano per totum orbem terrarum dispersi,
vagatiq; sunt, æquum est inter priscos recen-
seri. Et in locis alijs idem Geographus mul-
toties huius populi mentionem facit, lib. xij,
potissimum ut vnum adhuc testimonium ad-
feram Maandrius Henetos è Leucosyrijs
profectos, Troianis in bello opem tulisse ait,
inde cum Thracibus auctos, sedes posuisse,
in Adriæ sinus Angulo.

A ij

Ticum

Strabo li,
12. Geo-
graphiz
pag. 373.

Geogra-
phiz li. 1,
pag. 26.

Lib. 1.
pag. 32.
lib. 4,
pag. 117,
lib. 12.
pag. 377.

Titum Liuium Historicorum principem, cuius de Henetis testimonium, hoc est, casibus Varijs Antenorem cum multitudine Henetum, qui seditione ex Paphlagonia pulsi, & sedes, & ducem Rege Pylamene ad Troiam amisso, quærebant: venisse in intimū maris Adriatici sinum. Eadem de hisce Henetis refert Messala Coruinus in lib. de Romana Historia, ad Octavianum Augustum hisce verbis scribens: Antenor inter cæteros comites Henetorum, multitudinem numerosam secum duxerat, qui Paphlagonia orti patria pulsi exules ad Troiam, quæ bello tum elaborabat, concesserunt. Hi in proxima finitimorum prædia, longè lateq; diffusi, quia multitudine cuncta compleuerant, ex se gentibus nomen dederè, & Venetiæ regio dicta.

Facit & horum mentionem Cornelius Tacitus, lib. de moribus Germanorum, cum eos & Sarmatas, & mutatis quibusdam literis Venedos appellat, suoq; tempore eos vicinos Germanorum, iam in hisce oris nostris Polonicis

Titus Liuius historiarum ab urbe condita, lib. 1. pag. 2.

Messala Coruinus lib. de Romana historia.

Corn. Tacitus lib. de moribus germanorum pag. 110

Polonicis fuisse scribit. Sed & Ptolomæus suæ Geographiæ lib. iij. hæc in verba. Tenent Sarmatiam maxime gentes Venedæ per totum Venedicum sinum, ipsos Venedos vel Henetos Sarmatas antiquo vocabulo appellans, siquidem in locis hisce Sarmatiam Europæam ponere sit solitus, in quam Heneti longè lateq; suas colonias deduxerunt. Hæc de Henetis breuia vetustissimorum historicorum sufficiant. His subiungo ea quibus nostris temporibus, auctores grauissimi, nominis Germanici, Polonos ex stirpe hac profectos esse asserunt. D. Philippus Melancthon hæc in verba: Notissima est appellatio Riphæorum motium, de quibus etsi quid alij scribant non ignoro, tamen in illa parte Septentrionis hæc appellatio celeberrima fuit, in qua fuerunt Sarmatæ, & inter Sarmatas Heneti, sicut Ptolomæus inquit: Sarmatarum gentem maximam Henetos esse. Nomino autem Henetos omnes, ubicunq; confederunt qui lingua Polonica vtuntur, etiamsi dialectis differunt.

A iij

Et alia

Ptolomæus Geographus l. 3. p. 79.

Sarmatæ antiqui vocabuli Henetorum.

Philippus Melancthon li. 1. Chronic: pag. 27.

Et alia, Progreſſi autem Heneti in litto-
re maris Euxini, compleuerunt magnam par-
tem lateris Arctoi in Europa, & adhuc tenent
eas regiones, quæ nunc nominantur Ruſſia,
Lituania, Polonia. Et lingua, & nomen, Ve-
netæ regionis, ad ſinû Adriaticum ostendunt,
Henetos in Illyricum & vicinas regiones
progreſſos eſſe, ſiue ab Antenore eò ducti ſunt
ex Aſia, ſiue cum iam in Europa eſſent, pau-
latim alijs occaſionibus ad meridiem proceſ-
ſerunt, in terras mitiores minus frigidas, &
frugum & vini feraces. Inde effuſi ſunt in
has regiones inter Viſtulam & Albim.

Et lib. ij. celebrata eſt gens, apud Ho-
merum & Herodotum. Poſtea Ptolomæus
inquit: Henetos maximam Sarmatarum gen-
tem eſſe, ut hodie Ruſſiam, & Poloniam te-
net, & magnam Regionem à Viſtula ad Via-
drum & Albim.

Tertio quoq; libro eadem refert, inquiens:
Ptolomæus ſcribit, Henetos eſſe gentem
Sarmatiæ, compleuerunt enim magna ſpacia,
quæ

quæ nunc nominantur, Ruſſia & Polonia.
His alia ſubiungit. Quanquam autem in
dialectis exigua diſſimilitudo eſt, tamen
eandem originem eſſe harum gentium conſen-
ſaneum eſt, Illyricæ, Polonicæ & Boemicæ,
& noſtrorum Henetorum, & alibi loquen-
tium eadem lingua.

Alia verba habet conſona alio in loco,
Equidem ſuum cuiq; iudicium permitto, ſed
tamē Ptolomæi deſcriptione moueor, & ipſa
appellationis vetuſtate, ut Vandalos gentem
Sarmaticam eſſe exiſtimem, quos vocamus
Wenden. Nec mirū eſt etiam antiquiſſimis
temporibus, Sarmatas qui ſæpè mutare ſedes
ſolebant, in viciniam effuſos, Germanis ad-
mixtos eſſe. Sunt autem variæ illius vni-
gentis appellationes, quarum aliquæ ſono non
multum diſcrepant, Venedi, Fenni, Vandalii,
alibi Sclawon vocantur. Uniuerſam hanc
gentem ab Henetis ortā eſſe iudico, quos He-
rodotus affirmat, ex Aſia egreſſos in Illyrico
conſediſſe. Ab his Henetis & ora Italiae
Venetia

De voca-
bulis Re-
gionis &
gentium.

Vandalii
gens Sarmatica.

Venetia dicta est. Egressi autem vel ex Illyrico vel ex ipsa Asia compleuerunt vicina loca ad Septentrionem ubi nunc sunt Poloni.

Poloni
Asiaticā
humanita-
tem refe-
rant.

Quare adhuc aliquid humanitatis Asiaticæ referunt, & plurimum differunt figura corporum, ingenijs, moribus, victu, à vicinis Scythijs, cum quibus perpetua bella gerunt. Nequaquā igitur illis assētiat qui affirmāt, seu Polonos, seu Vandalos, seu Venedos, seu Sclauos, Scyticam gentem esse, sed ab Henetis propagati regnarunt, & in Illyrico & in Sarmatia, & Respub. magno consilio constituerunt. Magna eorum in re militari industria, magna virtus est, nec deest eis scientia domi regendæ Reipub. in Imperijs iustitia & æquitas, amor religionis & pudicitia, in patris fides, ingenia habent sine Græcū quiddam referentia, eo quod in Asia vicini Ionū, in Illyrico Græcarum fuerunt disciplinarum capacia, & inprimis arguta. Colunt studia literarum etiam nobiles, earumq; cognitionem in laude ponunt, & magno sibi vñui esse in Repub.

Polono-
rum maxi-
mā virtu-
tes & in-
doles.

Repub. ducunt: Quid cogitari dissimilius naturæ Scythicæ potest, quā hæc sunt quæ recensui? Credamus igitur his argumentis, quæ testantur, Venedos ab Henetis ortos esse, & admodum probabiles coniecturæ sumuntur à nominibus & linguis. Hic & nomē & lingua congruunt cum illius gentis in Illyrico appellatione & lingua, quare eadem origo est. Hæc Philippus Melancthon, homo Germanus, ~~vir doctissimus~~ de origine vera Polonorum & de moribus eorum, quos antiquissimam gentem, honestissimis moribus excultam, bellicis studijs deditam, in optimo regiminē Reipub: prouidam ac solertem, quæ iustitiam, fidem, disciplinam & studia bonarum literarum colat, pleno ore fatetur.

His omnibus suffragatur Gaspar Peucerus in suis Chronici Philippi complementis, parte iij. lib. iv. potissimum. Georgij Sabinii Brandenburgensis viri doctissimi, alia de eadem gente profero, Sic scribit: Non
B dubium

vir ceruic
Arisur in
guis
Alicus
Howem: me
plurimum

Gaspar.
Peucerus

Georgius
Sabinus
Brandeb.

in Episto.
la ad Sta-
nislauum
Dziada-
sum.

dubium est Polonos Henetam gentem esse,
quæ & in Asia vicina fuit genti omnium lau-
datissimæ & cultissimæ Ionica, & postea
duce Antenore, in Europam ducta, propin-
quas Græciæ sedes in Illyrico occupauit, ac
tenet etiamnum annos ad hoc tempus, post
bellum Troianum circiter bis mille sexcen-
tos, inde progressi, Septentrionis oram ad
Istulam compleuerunt. Hæc de Henetis ob-
scura sequor indicia, Gentium origines præ-
cipuè ex appellationibus & lingua iudicando.
Quos verò hodie dicunt Venetos seu Vene-
dos, hos esse Henetos ostendunt appellatio &
locus. Nam Henetos in Illyrico, ubi manet
appellatio Venedorum, consedisse affirmat
Herodotus. Deinde linguam Polonorum
congruere cum Illyrica manifestum est, &
multarum urbium appellationes cognationem
cum Polonis ostendunt. Hæc Sabinus, &
verè & sufficienter Polonos gentem Hene-
tam esse asserens. Si quis plura hanc in rem
scire velit, legat medicum illum Curæum in

hæc. Curæus, quam inquit, dat fiquet ex chronico illo inquit, Annalibus
quod non tam in hildem gentis silesiacæ, quam in hildem et
conscriptum nationis silesiacæ compellunt, vide d. in bet
in idem meum de hoc Chronographo silesiacæ iudicium.

Annalibus Silesiorum, qui secutus suorum
popularium iudicium eadem de Polonis pro-
nunciat. Sed & Cromerus noster non ob-
scure idem sensisse videtur, cum de origine
Polonorum scribens, Sclauos, Venedos, Po-
lonos, & cognatos & Sarmatas esse dicit,
harumq; gentium omnium & nationum, qui
Sclauico & Venedico nomine cēsentur, com-
munem originem esse asserit. Atq; hæc sunt
breuissima, quibus euidenter testibus locu-
plctissimis ostendi, gentem primariam Polo-
norum fuisse, & esse Henetos illos celebratis-
simos laudatissimosq; populos. Restat ut &
paucis quoq; indicem, de priscis huius populi
sedibus, quando & qua occasione in has oras
cōmigrarint, ut de nostrorum Polonorum in
hisce oris & origine & cōmigratione aliquid
certi & explerati statuere possimus. Atque
hoc est omnium difficillimum iudicio, propter
variā scriptorum in hac re historiam. Pau-
ca tamen ea quæ quantū quidem ego ex pro-
babilioribus rationibus assequer, consent mea

Cromer
de origi-
ne Polo-
rum lib 1
cap 9. 11.
12. 16.
pag. 10.
12. 17.

Sedes an-
tiquissi-
mæ Hes-
netorum.

B ij

Strabo
Geogra.
li. I. p. 26.

Herodot.
li. I. p. 92.
lib. 6.
pag. 336.

vero de eo afferam, in quo nec prolixus nec curiosus esse volo, sequor communem ac probabilem sententiam: Heneti erunt Anatolici vel Asiatici populi, Ionibus, Græcis, populis selectioribus præstantioribusque reliquis, contermini: qui post bellum Troianum, ut inquit Strabo, per totum orbem ferme dispersi sunt. Horum erant nationes & tribus numerosissimæ, quæ Illyricum cõplentes, abundante multitudine, alio colonias suas deduxere, & potissimum in Europa latè progressi, etiam Boëmiæ, Poloniæ & partem magnâ Sarmatiæ, usque ad mare Balthicum occuparunt. Cum autem Herodotus scribat, populos hosce Henetos statim post belli Troiani tempra Illyricum inhabitasse, & Ptolomæus testetur Sarmatarum, quos in hisce Polonicis collocat sedibus, maximam partem esse Henetos: eoque testimonio, suo iam tempore genus hoc hominum numerosissimum potètia & viribus præstans, fuisse innuat, credibile est Henetos Polonos multis seculis
tempus

tempus Ptolomæi, quæ Adriani fuit Cæsaris, aliorumque historiographorum antecessisse. Unde antiquitate hac moti quidam, ut est Albertus Craczius, in hisce Europæ terræ partibus Sclauos, Vandalos, Polonos, & alios huius generis, ab hominum memoria, sedes suas tenuisse testantur, & ut nostrates Miechovius & Decius opinantur, aliquot centum annis ante natum CHRISTVM Dominum, commoratos fuisse, ut eo pacto ante aduentum Lechi in has Poloniæ oras Henetos, hoc est, Sclauos, Polonos, Vandalos, Polonorum cognatos, & congenes, in hisce oris degisse, certò nobis persuadeamus. Nam Lechum posterius in eadem concessisse loca, cum maxima vi Henetum non ægrè concedendum est, idque à Danubio celeberrimo fluuio Pannoniæ, ubi primo profecti ex Illyrico maiores eius consederunt, cum à Romanorum colonia in Dacia vel Valachia, tutandi orientalis imperij ergo cõstituta, alijsque hostibus Longobardis & Hunnis ultrocitroque in-

B iij festa-

Craczius
in Vandalia
lib. 2.
pag. 36.

Miechovius
in Chronic.
ca. 5 pa. 7.
& in Epistola
ad Cricium.
Decius in
vetustatibus
Polon.
pag. 9.

Sigismundus
Hersbestein
in sua Mo-
schovia
pag. 2.

festarentur, usque ad Istula loca, ubi suas certas & perpetuas, omine ac proposito fausto, fixere, ad habitandum & regnandum, sedes.

*Curæus in
annalibus
li. 9. p. 25.* Quod autem Historicus ille Silesius scribit, post interitum Attilæ gentem Sarmaticam, hoc est, Polonam, ex illis amplissimis regionibus, quæ nunc habent nomen Russiæ vel Moscouiæ, ab ipso mari glaciali, usque ad paludem Mæotidem, egressos fuisse, & hæc loca Regni Poloniæ, ab alijs populis deserta occupasse, in hisque Regnū, subactis proprijs, qui supererant incolis, constituisse, maturo iudicio accipiendum est, cum & ipsi Germanici scriptores, ad paludem illam gentem Germanicam habitasse, huiusque lingua longinquas gentes loquutas fuisse, gloriantur: unde constaret, non Polonos, sed Germanos hos populos fuisse, qui in hæc loca commigrarint. Sed hæc sunt huius scriptoris tanquam delirantium somnia, quemadmodum & alijs verbis, quæ scribit se ex historia Sigismundi ab Herberstein, accepisse, præfert.

Mibi

De origi-
ne Polon.
Curæi so-
mnia.

Mibi, inquit, verisimilia protulisse videtur, vir omnibus vitæ ornamentis clarissimus, Sigismundus ab Herberstein, qui in Historia sua Moscouitica, in annalibus Moschorum, tradidit, olim ad nobilem urbem Kiouiam, ubi est confluentis Nepris & Boristhenis, non longe à ripa paludis Mæotidis habitasse populos Ruthenicis, qui dicebantur Poloni, id est, campestris. Inde igitur procul dubio commota est maxima multitudo Sarmatica, quæ in nostra loca migravit. Sed quam fidam Historiam Moschouitæ habeant, non est iam necesse dispicere, cum præsertim gloriæ inanis cupidissimi, multa soleant comminisci, quibus obtinere fidem percipiunt, ut gentem suam clariorem reddant. Quare & vir ille celebris Herbersteinus, & ipse Curæus vanissime Polonorum originem Moschouiticam vel Russicam fuisse opinantur, ex illisque paludibus Mæotidis profectos, loca, quæ Germanorum Curæus propria fuisse fabulatur, occupasse, & tunc primum novum regnum in his consti-

constituisse fingit. Quæ omnia nos in præcedentibus & sequentibus argumentis, quibus veram gentis nostræ originem delineauimus, refutauimus: eo potissimum, quod Poloni ab hominum memoria, in his terris in quibus iam latissimè dominantur, habitauerint, & ipsis Germanis, Silesijs, Misnësis, Pomeranis, ut ex probatis historijs liquet, ante multa Attylæ tempora imperauerint, de quo ut fusius scribam, non est operæ precium, cum præsertim & ipsius Philippi Melanchthonis hoc testimoniū euidens habeam, qui ita scribit. Ego quidem existimo Henetos etiam ante Gotthica tempora mixtos fuisse gentibus Teutonicis, quia Dion expresse scribit, Albim oriri in montibus Vandalicis. Hocq; ex probata constat historia, in exercitu Atty Ducis Romani, Sarmatas cōtra Attylam militasse: quo euincitur, ante multa Attylæ tēpora Sarmatas, hoc est Polonos, in his oris in quibus iam dominantur, de gisse, nec primum post Attylæ tēpora, ut Curæus sōniat, in illas cōmigrasse.

Lib 3.
pag 224

Dion Ro-
manæ hi-
storiæ lib.
55. p. 336
Jordanis
lib. 1. c. 1.
Geticarū
pag. 621.
Otto Fri-
sius Chro-
nic. lib. 4.
c. 26 p. 86

Quantū

Quantum vero etymon nominis Polonici concernit, peregrinum non affecto, sed proprium assero: dictam Poloniam ad differentiam aliarum prouinciarum, & populorum in perij Sclauonici, qui ob loca & cāpos, quos incolebant, diuersa sortiebantur nomina: ut dicerentur vel Drewlanie lignosi à lignis: Trawianie graminosi à gramine, Kassubijanie rugosi, à rugis & plicis Vestium, alij Pomerani, quod maris littora incolerent, alij Slesitæ, à promiscuis habitatoribus, de quibus vulgò dicunt Poloni, *je sie slesli* / Boëmi, Poloni, Germani, & id genus alij. Quod & Caspar Peucerus non diffitetur, in-
quiens: nomen gentis vel collectitiā multi-
tudinē significat, nomine à conuenis factō,
quos Sbigneus nothus Casimiri Primi filius
accitus, contra fratres à Polonis exulibus,
adduxit in Silesiam, ex diuersis gentibus
Germanis contractos. Ita Poloni dicti à cam-
pis patentibus & planis, quos incolebant, ve-
xationi potissimum, quæ genti Pole dicitur
studentes,

Polonia
vnde di-
cta.

Caspar
Peucerus
l. 5. Chro-
nicorum
pag. 832.

Venatio
bellica
meditatio

Xenophō
de institu
tione Cy
ri, lib. 8.
pag. 162.
& l. i. p. 4

studentes, non tam quastus quam exercitiij
causa, ut quemadmodum erant bellicosi, ita
venatione sese ad facultatem bellicam assue-
faciebant. Est enim venatio rei bellicae me-
ditatio verissima. Quemadmodum de Cyro
apud Xenophontem legimus, qui exercitatio-
nis bellicae gratia, suos ad venationem edu-
cebat. Haec enim apud Xenophontem ex-
tant de eo verba: in his exercendos arbitra-
batur, quod venatione duceret, tum uniuersae
bellicarum rerum exercitationem esse, tum
equestris rei verissimam. Nam ad equitandum
in quibusvis locis aptos maxime reddit, quod
fugientes feras sequi necesse sit, & habiles
efficit maxime ad quoduis opus ab equis
proficiendum, propter ambitionem & cupi-
ditatem capiendi feras: Et alia. Consuefacit
etiam ad surgendum diluculo, & ad frigora
caloresque perferendum, atque etiam ad itinera
& cursus exercet. Praeterea sagittis iacu-
lisque bestiam petere necesse est, ubicunque inci-
derit, saepe etiam acui animum in venatione
oportet,

oportet, obijciente se feroci aliqua bestia, nam
quae offerunt sese bestiae, feriendae sunt, ab
ijs cauendum quae in venatione irruunt. Adeoque
non facile, quis reperiat, quidnam eorum quae
bellum habent, a venatione absit. Polonos
igitur a venatione quae ipsis Pole dicitur,
dici non est absurdum, cum rei bellicae omni
tempore erant studiosissimi. Sed haec quoque
sufficiant, ad Reges regnumque Poloniae pro-
pero. Numerantur Reges a LECHO
usque ad hodiernum Regem SIGISMUN-
DUM Tertium, xlvij. Ex quibus xvi.
gentiles fuere, reliqui a Miecislawo Christi
nomen professi sunt. Quorum omnium Ca-
talogum subiiciam, & in quatuor partes di-
geram.

PRIMA PARS REGVM

POLONIAE.

- 1 Lech.
- 2 Visimier.
- 3 Palatini duodecim.
- 4 Cracus.
- 5 Lech Secundus.
- 6 Venda virgo.

C 2

7. Pa

Cataloi
gus Regū
Poloniae.

- 7 Palatini Duodecim.
- 8 Przemislaus vel Lescus primus aurifaber.
- 9 Lescus Secundus plebeius.
- 10 Lescus Tertius.
- 11 Popielus Senior.
- 12 Popielus Iunior.
- 13 Piaſt ciuis Crufuicenfis.
- 14 Zemomislaus.
- 15 Lescus Quartus.
- 16 Zemomislaus.

*Hi omnes gentiles erant & cultui damo-
num dediti. Sequuntur Chriftiani.*

PARS SECVNDA REGVM
POLONIAE.

- 17 Miecislaus.
- 18 Boleslaus acer Chabry.
- 19 Miecislaus.
- 20 Cafimirus Primus.
- 21 Boleslaus Secundus.
- 22 Vladislaus Primus.
- 23 Boleslaus Tertius, Distortus nomine.
- 24 Vladislaus Secundus.
- 25 Boleslaus Crispus.
- 26 Miecislaus Senex.
- 27 Cafimirus.
- 28 Lescus albus cum Helena matre.

- 29 Vladislaus Laffonogus.
- 30 Boleslaus Pudicus.
- 31 Lescus niger.
- 32 Henricus probus.
- 33 Przemislaus.
- 34 VVenceslaus Boëmus.
- 35 Vladislaus Lokietek.
- 36 Kafimirus Magnus.

TERTIA PARS REGVM
POLONIAE.

- 37 Ludouicus Vngarus.
- 38 Vladislaus Iagello Magnus dux Lituaniae.
- 39 Vladislaus Iagello filius.
- 40 Cafimirus.
- 41 Ioannes Albertus.
- 42 Alexander.
- 43 Sigismundus Primus.
- 44 Sigismundus Secundus Augustus.

QVARTA PARS REGVM
POLONIAE.

- 45 Henricus Valeſius, dux Andius, Gall' iuuenis
- 46 Stephanus Transyluaniae Princeps, ex nobi-
liffima Regia Bathoreorum de Somlio fa-
milia Vngarica.
- 47 Sigismundus 3. Rex Suæciae.

DE PRIMO VT FE- RVNT POLONIÆ REGE LECHO.

PERVNT cōmuniter LECHVM
primum gentis Polonæ fuisse geni-
torem, & Regni Polonici effectorem, verum
hi nimis mihi aberrare à verò videtur. Mul-
tis enim ostendi potest, ante hunc Lechum
Polonos in his vbi iam resident locis, commo-
ratos multiplicatosq; fuisse, qui citra vnius
imperium summum, plebeiaq; libertate, vt
Procopius Casariensis testis est, Rempub:
administabant, res omnes quæ vel utiles vel
difficiles essent in commune consilium dedu-
centes: quod tamen succedente tempore, &
necessitate postulante, vel ad vnum, vel plu-
res selectos suo ex ordine & corpore heroas,
referre consueuerant. Deinde in sedibus
hiscæ vetustæ, & vt Crancius perhibet, ab
hominum memoria, Sarmatarū, qui non alius
est atq; Polonicus populus, habitatio: Gra-
uissimi

Sclauorū
R. P. an-
tiqua.
Procopi-
Casarien-
lib. 3. de
bello Go-
tor. pag.
144.

Crancius
in Vāda-
liz lib. 2.
pag 36.

uissimi enim & vetustissimi scriptores ho-
rum faciunt mentionem: vt cum Berofus scri-
bit Tuisconem Germanorum & Sarmatarum imperium in Europa condidisse, credibile est,
Polonos illorum Sarmatarum reliquias exi-
stere, cum in Germania ipsa à multo hoc tem-
pore, & post susceptum Euangelium Chri-
sti, quod effecienter postea declarabitur, im-
perauerint, & autores ipsi Germanici, Ita-
liciq;, hos Sarmatas, qui ab illo Ietami filio
Asarmethe, vt vult Moses, & Berofus, &
in Berofum cōmentator Annus Viterbien-
sis sunt progeniti, non alios atq; Polonos fuisse
fateatur. Auentinus nostri seculi Historicus
peritissimus, in hæc verba Sclauorū Sarm-
atarum, hoc est, Polonorum vetustatem euin-
cit, quæ ad obtinendam huius fidem profe-
ram. Docet enim gentem hanc, & tempo-
ribus Alexandri Magni regna sua florentia
habuisse, & quorumlibet hostium arma non
extimuisse, cum animo excelso & armato, cum
ipso minaci ac arroganti Alexandro egerint,
eig;

Berofus
lib. 4. 5.

Gene. 11.
Berofus
lib. 4. 5.

Auentin-
annalium
Boiorum
l. 1. p. 62.

Sarmata:
rū Polo
norū ad
Alexādrū
Magnum
legatio.

eiq; legaticrem liberam destinariint. huiusmo-
di. Adfuerunt & Germanorum orientalium
(quos Sarmatas & Scythas scriptores rerū,
nos Venedos, ipsi se Sclauos vocant) ora-
tores, hos ita locutos accepimus. Si Deus
audivit tuæ par corpus dedisset, orbis ter-
rarum te non caperet, altera manu orientem,
altera occidentem contingeres. Et hoc asse-
quutus, scire velles, ubi Solis fulger abscon-
deretur: Sic quoq; cōcupiscis quæ non capis,
ab Europa petis Asiam, ex Asia transis in Eu-
ropam. Deinde si humanum genus superaue-
ris, cum sylvis & niuibz, & fluminibus,
ferisq; bestijs, bellum gesturus es, Arbores
magnæ quæ diu quidem crescunt, una hora
extirpantur: Leo quoq; minimarū auium pa-
bulum est, & ferrum rubigo consumit, nihil
tam firmum est, cui periculum non sit etiam
ab inualido. Quid nobis tecum est? nun-
quam terram tuam attigimus, qui sis unde
venias, licetne ignorare in vastis sylvis pa-
ludibusq; viventibus? nec servire ulli possu-
mus nec

mus nec imperare desideramus, Gloriaris te
ad latrones persequēdos venire, omnium gen-
tium quas adisti latro es, iam etiam ad pe-
cora nostra auaras & instabiles manus porri-
gis. Impone felicitati tuæ frenos, facilius
eam reges, si DEVS es, tribuere mortali-
bus beneficia debes, non sua eripere. Si au-
tem homo, es id quod es semper te esse cogita.
Nos Asiæ & Europæ custodes habes, utriq;
imperio tuo finitimos, hostes an amicos velis
esse considera. Hæc Auentinus, ex quibus
vetustas Polonorum prouectior, quàm ab ad-
uentu Lechi asseritur, illorumq; armatus ani-
mus & præsens, in Alexandri insolentiam de-
pingitur. Strabonem Geographum nobilissi-
mum non est operæ precium ad cōprobandam
hanc Polonorum antiquitatem me adferre,
hic enim vixit tempore illo acceptabili &
die salutis, quo CHRISTVS generi ap-
paruit humano, & factus est nobis à DEO
iustitia, sapientia, redēptio, & sanctificatio,
quo tempore hic Strabo & de Henetis &
D Sarmatis

I Cor. I.

Cornel.
Tacitus
li. de mor-
rib' Gero-
manorū.

Sarmatis gentis nostrae maioribus plurima quantum assequi potuit in scriptis relinquit. Cornelium Tacitum, Equitem Romanum, huc repono, qui anno post patet factum Christum lxxv. de Germanis scribens, Sarmatas illi adiungit, utrosque mutuo metu separatos fuisse scribens. Quos quidem Sarmatas ipsi Germanici viri doctissimi in suis in Cornelium commentariis, utpote Althamerus Glareanus, Iodocus Villichius, & alij Polonos fuisse interpretantur, ex quo constat gentem Polonam in hisce Sarmatarum oris ante Lechum Regem sedes suas habuisse. Huc tempus illud commemorandum est, quo Marcus Antoninus decimusquartus ab Augusto imperator Romanus, cum varijs gentibus, & cum Sarmatis bellum maximo cum periculo sui exercitus gessit, & illud providentia quadam Dei, ut Orosius scribit, confecit. Hos vero Sarmatas Germanicus Historicus Auentinus testatur fuisse Polonos & Moravos, cum inquit: Deinde ad conficiendum

Orosius
l. 7. c. 15.

Auentin.
lib. 2. an-
nalist, pa-
160.

dum bellum Marcomannicum, conuersus triennio cum Quadis, Marcomannis, Sarmatis bellauit. Connitebatur Marcomanniam & Sarmatiam, hoc est, Boemiae & Poloniae regnum prouincias facere. Cum autem huius belli annus à Christo seruatore fuerit clxxxiv. palam est Sarmatas Polonos ante Lechum regnasse. Ulterius non est quod progredi- ar in hac obtinenda Polonorum antiquitate, cum & Cromerus ipse affirmet, Lechum hunc ad Polonos venisse, non nouas colonias deducentem, sed ad consanguineos populos, qui iam ante loca haec inhabitabant, se conferentem. Quod & Blondus Historicus insignis & grauissimus, hisce explicat verbis. Locationis similitudo ac penè proprietates, ostendit, eos qui nunc Poloni ac Boemi dicuntur, ex Sclauorum reliquijs fuisse. Incoluerant autem prius, ut supra diximus, ea loca Vandali, quos credendum est, quando ad Romanorum inuadendas prouincias sunt profecti, partem gentis in patria reliquisse. Quare
Dij Sclau

Cromer.
I. I. Chrō.
pag. 19.
cap. 16.

Blondus
Decadis
I. lib. 8.

Sclavi, paulo post superuenientes, ita loquutiones commiscuere, ut ex utraq; tertiam effecerint: qui pro regionis & ducum diuersitate, partim Boemica, partim Polonica post modum sit dicta. Ex quibus omnibus patet, Lechum non fundatorem, nec progenitorem, sed promotorem ac administrum gentis Polonae extitisse.

Unde autem uenerit Lechus iste, astipulatur etiam Cromerus his, qui ex Croatia Illyrica, iam Turcica prouincia, eum comisserunt, dicunt, nec incredibile est, id quod antiquitatis fama & consensu celebratur, Lechum siue Lachum illum cum fratre Ciecho ex Croatia in has oras uenisse. Et alijs verbis: Quid si autem Ciechus & Lechus, non peregrini ad has oras uenerunt, sed ad suos reuerterunt, unde vel ipsi vel parentes, maiores uel eorum in Croatiam profecti erant. Conuenientissime igitur proferunt Dlugossus Miechouius & ille Ludouicus Decius in suis Poloniae uetustatibus, hunc ex arce Psari in Sclauonia sita,

Lechus
unde in
Polonia
uenerit.
Cromer-
us lib. 1.
de Repu-
blica.
Polon. ca.
16. p. 18.

sita, in has ubi est Polonia, oras concessisse, quod equidem sentire, cuius absurdum est minime.

Quando uero hoc factum sit, non adeo assequi est difficile, si modo his fides, qui certum tempus aduentus eius adnotant, adhibeatur. Is est annus DL. post Christum seruatorem natum Dominum nostrum, qui ut ex historijs liquet annus fuit imperij Iustiniani Magni Caesaris xxij. Colligitur autem tempus hoc partim ex autoribus fide dignis, qui hoc summo studio perscrutati sunt, ut est Fulsteinius, Vapouius, Cromerus & alij: partim quod eo ipso tempore in hisce Polonicis locis imperium Sclauorum latius extendi & constabili super gentem Germanicam ceptum sit. Motus etiam varij & funesti, inter Sclauos ad Danubium, ut testis est Procopius, eo tempore commorantes, agitabantur, quae tempestate credibile est Lechum malis & calamitatibus domesticis turbatum ac pressum in Poloniam, quae etiam turbis multis

Quo tem-
pore Les-
chus in Po-
loniam uenit.

D ij

vexata

vexata & afflicta, virum prudentem ac potentem requirebat, commigrasse, & ad imperij eius gubernacula sedisse.

Principia & virtutes Lechi in imperijq; habenas suscepisset, principio imperij sui fundamentum pietate iacere cepit, a Dijs suis gubernationis suae capiēs primordia. **Prudētia** Sciens enim Deos non modo religiosi factus, **Pietas** sed & castus sacrificijs delectari, illis ritu eo quo cōsueuerat, sacrificauit, quo & suum populum de religione admoneret, regnūq; sibi & posteris suis constabiliret. Quo facto prudē-
Prudētia tiam tanquam rerum agēdarum regulam exploratissimam, & quae ut Plutarchus inquit, ut plurimum bonam fortunam donat, & est aliarum virtutum principium, Philone teste, inter suos maximam declarauit, cum praecipuas familias quas adduxit, suis praeficeret locis, ceteram multitudinem in colonias per loca varia & vacua distribuens. Et comper-
Oeconomia tum habens viuere non posse fortem, nisi sint qui terram colant, unumquemq; rem familia-

rem curare, agros colere diligenter monuit, Rempubicam tanquam domum paternam administravit: subditos non secus ac liberos & propinquos paterno affectu gubernans, magna clementia in eos usus, quo ei libentius parent, ac manere apud ipsum in periculis semper vellent, ipseq; securus in gremio cuiuslibet dormire posset. Ius ex aequo omnibus dixit, quod tamen arbitria eius erant ipsis legibus cōuenientissima, ad quae assequenda palatium eius omnibus patebat, cū ipse omnes & audire & causas illorū cognoscere fuerit paratissimus, ita ut nullus de iustitia exhibēda iuste cōqueri, nec in talem principem quicquā aduersi moliri potuerit. Et sciēs quoq; principē nō oportere solidā dormire noctē, vigilans & attētus fuit in Reip. cōmodis adipiscēdis augēdisq;, & incōmodis propulsandis: tali fortitudine praeditus, qua regionē suam bene instructā, ab hostibus quibuslibet tueri expeditissimus esse queat. Unde etiam proditū literis habemus, eū longē & latē imperiū suum protulisse, nō modo inter suos Henetos & Ger-

Reipub.
admini.
stratio.

Vigilantia

manos finitimos populos, Silesios & alios,
 apud quos maiores Polonorum imperium ha-
 buisse sciebat, sed & alios superiores Ger-
 manos ad Rhenum vsq, fines Urbis Coloniae
 contingentes, in quibus arcem à suo nomine
 Lechnick vocatam, tanquam extremam suae
 militiae & imperij sui columnam firmissimam
 extruxit. Quae ratione imperium eius non
 vsq, adeo pacatum & quietum fuisse credi-
 derim, cum illi incumberebat cum multis qui
 eius imperium detrectarēt, decertare. Gessit
 igitur multa bella dexterrimè felicissimeq,
 de hostibus saepius triūphans, idq, non solū in-
 genti suorum conscripto exercitu, sed etiam
 ipse solus in duello, cū Regulo quodā Theu-
 tonici generis, ad quod, suorum salutem suae
 praeferebat prouocauerat, congregiens: & Vi-
 ctor de illo opima spolia referens, Regiam
 suam non procul à Silesiis & Prutenis collo-
 cavit, ciuitate & arce extructa, quam Gniez-
 no vocabulo Sclauonico, quod nidum latinis
 sonat, appellauit, vel ab aquilis regijs au-
 bus, quae

bus, quae eo loci salix ac faustum imperium
 Lecho nunciaturae conuolarant: unde etiam
 insigne Regum Poloniae deriuatum, huc vsq,
 in usu esse videmus, vel quod ibi nidum aulae
 suae regniq, totius constituerit. *Arx autem*
 & ciuitas fuit rudi ex materia, manijs non
 ferreis sed terreis, ut docuit quidā, munita.
 Quod & de priori Roma accepimus, quā
 Augustus Caesar terream se accepisse, lapide-
 am reliquisse, aiebat. Quod ut scribit Dion
 Augustum dixisse magis, non ob elegantiam
 aedificiorum, sed ob firmitatem imperij, ita
 Lechus ciues suos fide ac virtute armatos
 pro manijs ac propugnaculis firmissimis ha-
 bebat. Erant etiam tunc Poloni simplicita-
 te & rudi rudimento, ut Tacitus de Vici-
 nis Germanis scribit contenti, apud quos nec
 caementorum, nec tegularum quidem usus fuit.
 Quemadmodum & de ipsa Roma legimus,
 quae per quadringētos annos, vsq, ad Pyrrhi
 bellum domos rudi caemento constructas, &
 stramento contectas habebat. Ita antiquitus
 E Poloni

Regia Le-
 chi Gne-
 zna ciuis
 tas Pri-
 maria.

Insigne
 Lechi as-
 uis Regia
 aquila.

Dion lib.
 51 p. 361.

Cornel.
 Tacit. de
 moribus
 German.
 lib. p. 205

vide sup. ne gignat
 p. p. m. b. n. a. 20. m. 6.
 d. l. l. l. l. n. e. r. i. t.

Poloni
antiquit
non ma
gnificas
des extru
ebant.

Poloni non magnificis vel splendidis domibus
se ornabant, sed sua dignitate & factis haro-
nicis domos suas cohonestabant, natura ipsa
illud perpendentes, quod non domo dominus,
sed domino domus sit honestanda. Talis igitur
Gnesno ciuitas fuit, ad usum tantum Regni
necessarium non ad splendorem exaedicata.
Quae quidem vetustissima superest adhuc ho-
die eodem in loco, eo tamen felix, quod, ut in-
quit Dlugossus regni Poloniae historicus, cum
alias plures vrbes Polonicas parturierit, se
ipsam exinaniuit. Habet tamen quam plu-
rima & hoc tempore, quibus memoriam suae
pristinae dignitatis ac splendoris, cum magna
laude refricare & reuocare potest, cum me-
tropolis totius Regni Regumque priscorum
Regia fuerit, illorumque cineres terra tanquam
operimento matris obductos habeat, tam Eth-
nicorum, qui sortia & illustria facta gesserunt,
& Regnum Poloniae ampliarunt, quam &
eorum qui mysterijs sacrosanctis initiati sunt,
acceptumque Regnum a maioribus suis con-
seruant.

seruant, quodque haec ciuitas veteribus tutis-
simum profugium fuit, omnium consultationum
tempore omni pacis bellique. Haec ciuitas fuit
prima, in qua primordia religionis Christi-
anae, & quidem simplicia coeperunt. Rex primo
lauacro regenerationis ablutus, veterem ho-
minem deposuit & nouum induit, quod & toti
Regno diuinitus conferebatur. Auxit & au-
get dignitatem ciuitati huic Templum au-
gustissimum & antiquissimum, cuius Praeses
iam est, vir maximi nominis STANISLA-
VS KARNKOVVSKY, in Regno
Poloniae tenens principatum omnium Episco-
porum, & est Primarius, vel Princeps Se-
nator Regni, vir gloria clarissimus, & au-
thoritate grauissimus, vir prudens, consilio,
iudicio, studijs & meritis in Repub. Polona
praestantissimus, viuit ad summam senectu-
tem, satur dierum, omni memoria dignissi-
mus. Habet etiam haec ciuitas sui nominis Ca-
stellanum, qui iam est hoc tempore Illustris
vir DOMINVS IOHANNES de
Zborow: Graudziacensis, Odalonouiensis,
E ij Vol.

*VVolpiensis, &c. Capitaneus, de Republica
 Regni tam pacis quam belli tempore optime
 meritis. Accedit nundinarum ^{maximae} cele-
 bratissima, in qua ex remotissimis regionibus,
 Varij generis merces aduehuntur tanquam
 thesauri, ex quibus & Regnum & aliae len-
 ginae nationes, & opes colligunt & dite-
 scunt. Nec ipsi ciuitati desunt ciues boni &
 prudentes, statum suae Reipub. qua possunt
 industria saluum ac sanum cōseruantes. Quae
 omnia cum antiquitate huius Urbis collata
 maximum eius splendorem enunciant, ac eti-
 amnum in conspectum omnibus statuunt, ne ita
 vilis & contempta hoc tēpore videatur, atq;
 cum esset à Lecho primo Rege instituta &
 ornata. Sed ad Lechum ciuitatis huius fun-
 datorem primū redeo. Redditus hic princeps
 habuit amplissimos, subditis omnibus regni
 amplissimi, eos hilari ac beneuolo animo, Ul-
 tro, non coactu aliquo legum vel indictionum
 praebentibus, ex quibus non modo ipse Rex
 cum necessarijs suis viuere honeste ac splen-
 didè,*

Reddit.

*didè, sed & Rēpub: pacis & belli tempore
 prouehere conseruareq;, iustitiam in Regno
 administrare, insuper in omnes benemeritos
 liberalitatem exercere potuit. Erat enim Le-
 chus liberalissimus, qui ne unum diem elabi
 patiebatur, quo non beneficium aliquod in
 benemeritum aliquem collocasset. Et ad red-
 ditus hosce persoluendos, nummus erat inco-
 gnitus, cum omnia citra pecuniam permuta-
 tione rerum comparabantur. Et quidem mo-
 re antiquissimo Graecis, Germanis, Homero &
 Cornelio Tacito testibus, vsitatissimo, de quo
 & Lycurgi legem apud Iustinum legimus,
 ut non pecunia, sed compensatione mercium
 singula emerentur. Quae tempora, Plinio at-
 testante, feliciora fuisse certum est, cum
 nummo incognito, voluntaria rerum permuta-
 tione, vinculum humanae societatis consta-
 bat, atq; haec nostra sunt, quibus nummorum
 fraude, maximam rerum iacturam in Regno
 Poloniae inuectam experimur, attestante Cro-
 mero, cuius haec sunt verba: Deterior nunc
 esse*


Liberalli-
tas.

Homerus
 Iliade 7.
 p. 269.
 Cornel.
 Tacitus
 li. de mor-
 rib. Ger.
 pag. 203.
 Iustinus
 li. 3 p. 45.
 Plin. l. 33
 cap. 1. p. 2.
 459.

Crom li.
 de situ mo-
 rib. Reg.
 Pol. p. 10.

E iij

esse fertur reliqua moneta, cum ponderis di-
minutione, tum æris admixtione. Vixit hic
Lechus gentis Poloniæ Rex, sine dubio ad
multam ætatem prouectus, prolem multam
post se relinquens: & moriens, vt secum opti-
mam spem ferat, mansura fundamenta Rei-
pub: quæ ipse iecerat semper integra, ita
suos posteros commendabat, vt imperio Re-
gni digni præficerentur, primasq; in eo partes
teneret, ætate & rebus gestis senior, consen-
su omnium sanxerat. Quibus omnibus ritè
peractis imperium cum vita commutauit,
subditis omnibus luctu & mærore gra-
uissimo mortem eius prose-
quentibus.



DE

DE VISIMIRO EX

POSTERIS LECHI, REGE.



QUAM diu apud Polonos posteri Lechi po-
Lechi po-
steritas
quam diu
durauit.
Lechi regnarint, literis vetu-
stioribus nullis proditum habe-
mus, posterioribus tantum cõsignatum tempus
CL. annorum legimus, vsq; ad hunc Visimi-
rum, quem vltimum ex stirpe Lechi fuisse asse-
runt. Hic est ille Visimirus qui in Daniam
Visimiri
bella cum
Danis.
vsq; arma Polonica extulit, magnamq; partem
Danici imperij, rege Siuardo profligato, di-
tioni suæ subiecit. De quo cū ipse Crantzius
Albertus
Crantz:
in Van-
dalia li. 1.
p. 11. 12.
Danicus scriptor, mentionem faciat, eius ver-
ba, maioris testimonij causa, adferam. Re-
gnabat, inquit, in Danis Siuardus, multum
à paterna probitate degenerans, cuius con-
temptu Vandali id ausi, Lutiam tantam pro-
uinciam vastare sunt aggressi. Adi-
uabat illos tempus quod Regem iam NOR-
VAGICO bello sciebant implicari. Illud
quoq;

Illud quoque fortune illorum accesserat, quod cum illi grassarentur in Lutia, rex lacris agminibus victus magno praelio redibat. Magnus tamen itineribus cum eo quod reliquum erat agmine contendit in Lutiam, ut obuius fieret Vandalis grassatoribus. Illi vero ubi audierunt properare regem, periculo suo prospicientes, cautiores in reliquum incedere curabant: nam creato ex se duce bellum redintegrabant, ferro flammisque undique saeuentes. Occurrentem Daniae regem aggressi apud Fioniam praelio excipiunt et superant: eundemque vires reparantem in Lutia offendunt, praelium instaurant, fugant superantque, provinciam sui iuris faciunt, ex hoc die latius imperantes, Filium regis Iarmericum praelio captum, cum gemina sorore in partem praedae abducunt. Sed quoniam apud veteres Venetia fuere coniugia, magno pretio alteram ex captivis Daniae Regis filiabus, Noruagiensium duci viro primario vendunt, alteram in Germania simili sorte distrabunt. Hac Crantzius

tzius de Visimiro. Addunt alij hunc duas urbes ad littus maris Baltici cecidisse: alteram Vismariam a suo nomine appellatam, Dantiscum alteram a Danis devictis, quas etiam absque dubio contra Danicos incursus, voluit esse Regno Poloniae certa et firma quaedam propugnacula. Et apparet ex vestigijs quibusdam historiae Danicae, hunc regem diu multumque Marte vario cum Danis bella gessisse, et Rempub. Poloniam summa cum laude et emolumento gubernasse. Quod autem Poloni bella cum Danis multa gesserint, non tantum Crantzij quem adduxi, monumenta testantur, sed etiam ipse Germanicus scriptor Peucerus, ut alios omittam, testimonio est, cum inquit: Sarmatas Henetosque, perpetua in illo littore maris Venedici, bella gessisse historiae testantur, et monumenta quae supersunt. Reualiam enim incolae adhuc hodie Danopil sua lingua vocant. Et Gedanum, cui eruditorum coniectura Codani appellatio vicina est, arcem Danis oppositam, Henetorum lingua significat.

Urbes 4
Vismiro
condita.

Peucerus
lib. 4. hi-
storiae in
Hærico 6.

E

Est

Urbes
maximæ
in Prussia
Dantiscæ
Torunici
& Elbingæ,
Regno Po-
loniæ utri-
usque.

Est igitur verò consentaneum, hanc urbem
Dantiscum sua fundamenta à Regibus Polo-
niæ accepisse, maximumq; propugnaculum in
littore maris Baltici, Regno Poloniæ contra
maritimos hostes extitisse. Sed si iam Visi-
mirus ad vitam reuocatus cōtemplaretur vr-
bis huius hodiernam amplitudinem, splendo-
rem, dignitatem, copijs omnibus circumflu-
entem, diuino & humano iure munitam, am-
plissimo magistratu, prudentia rerum claris-
simo, & ciuium bonorum ac fortium stupenda
abundantia affluentem urbem, regni Regumq;
Polonorum obseruantissimam, quæ sit non mo-
do firmissimum ac tutissimum præsidium, in
littore maris Regno Poloniæ, sed in omni cō-
tinente ab omnibus hostibus, insuper quod sit
thesaurus, ex quo totum Regnum necessita-
tes suas subleuat, urbs florentissima, ut &
reliquæ duæ eiusdem dignitatis & splendoris
in Prussia, Torunium & Elbinga: certè Vi-
simirus magno gaudio perfusus, maximo sem-
per amore urbem hanc prosequeretur, defen-
deret.

deret, conseruaret, ampliaretq;, nihilq; prius
& antiquius haberet, atq; ut hæc urbs pa-
cata, propter bonum publicum regni flore-
sceret. An vero Visimirus prolem aliquam
habuerit, quoque mortis genere è viuis exces-
serit, incertum est. Uxorem eius Saxo Hi-
storicus commemorat, quam ab Iarmerico ca-
ptiuo, fraude insigni obtruncatam fuisse di-
cit, ipsumq; Visimirum Regem flammis ab
eodem Iarmerico furtim regiam eius incen-
dente, absumptum scribit. Sed ipse Crantzius
hanc de tali Visimiri & eius uxoris morte
narrationem, ineptam & vanam esse iudicat.
Nos non tam ipsam mortem, atq; gesta præ-
clara Visimiri inquirimus, cum plerumq; vi-
ros maximi nominis, sua post præclara faci-
nora, vario genere mortis extinctos fuisse le-
gamus, nec aliter ante actam vitam splendi-
dis trophæis ornatam, quam funestis euenti-
bus, fortuna sic cadente, traducere consue-
uisse, cuius exploratum esse, non ignoremus.

F ij

DE

DE DVODECIM PALA- TINIS POLONIÆ DVCIBVS.



Extincta stirpe Lechi, Poloni Gnes-
nam creandi noui magistratus causa
cōfluunt, & vel ob fastidiū vel scuitiam de-
pulsā vnius dominatione, ad optimates gu-
bernacula Reipub. transferunt. Hic videre
licet, Polonos Electionem noui magistratus
semper liberam habuisse: cuius fontem ac
fundamentum fuisse plebeiam illam imperij
gubernationem facile concedi debet, qua pri-
mitus propter iuris æquabilitatem, & consi-
lia cōmunia, vt testis est Procopius, vsi sunt.
Post aliarū gentium mores sequuti, ad vnum
summam rei refcrebant. Deinde offensi vel
negligētia, vel tyrannide vnius, ceterum opti-
morum virorum deligebant, eo quod ex opti-
mis viris sciebant optima existere consilia.
Quibus cum omnibus summā potestatem pa-
cis & belli tempore permittebant, sibi ipsis
eligendi & creandi magistratum novum sem-
per re-

Electio
noui re-
gis libera
semper a:
pud Poi-
lonos,

per relinquebant. Quam consuetudinem &
illū Lycurgum in Repub. Spartana lege fr-
masse legimus, cū Regibus potestatem bello-
rum, magistratibus iudicia, & annuas suc-
cessionēs, senatui custodiam legum, populo
sublegandi senatum vel creandi, quos vellet
magistratus, potestatem permisit. Maiores
itaq; illi gentis Polonæ, hac libera & pro-
pria electione noui magistratus freti, viros
præstantes ætate & iudicio graues, inter a-
lios integritate morum, & rebus gestis con-
spicuos, duodecim eligunt, & diuiso in toti-
dem partes imperio, unicuiq; suam prouin-
ciam regendam demandant. Magistratum
huiusmodi credibile est Polonos illos mutu-
asse, vel ab antiquissimis illis Ægyptijs, Per-
sis, Hebræis & Græcis, qui Regna sua in du-
odecim tribus distributa, per duodecim præ-
fectos principes gubernabant. Quam qui-
dem gubernationem absq; dubio ex duodecim
Planetis, qui suo cælesti regimine xij. anni
menses consciunt, effinxere, vnde etiam xij.

Iustinus
li. 3. p. 45.

Electio
duodecim
Palatinorū.

Electio
magistra-
tus, duos
decim Pal-
atinorū
vnde.

Fij

Deos

Deos cōmentī sunt, & iisdem vestigijs regna
sua in xij. partes diuisa, per xij. lectissimos
duces administrare sunt soliti. Tabulas quoq;
legum xij. Græcos Athenienses legimus ha-
buisse, quas Solon per xij. etiā annos apud va-

Herodo- rias gentes peregrinando, vt Herodotus testis
tus p. 12. est, cōquisierat. Quemadmodū & Moyses in-
lib. 1.

Valerius stinctu Spiritus S. vniuersam gentē Hebræorū
lib. 5. c. 3. in xij. tribus partitus est. Et duodenarium nu-
pag. 271.

Gellius merū maximæ semper religionis apud omnes
l. 2. c. 11. gentes fuisse cognoscimus, quē modū & Chri-
& lib. 20. stum mundi seruatore in sua Repub. Aposto-
cap. 1.

lica obseruasse, comperimus Cultissimam igitur
prudētia & rerum maximarum experien-
tia præditam gentem illam primariam Polo-
nam fuisse, certo cōstat, quæ & se ipsam rege-
re, imperium suum promouere, Remq; pub.

Gens Po- suam aliquando fluctuantem subleuare, alia-
lona anti- rum gentium utilibus ac commodis vestigijs
qua culti- insisteredo, potuit. Scribunt hos duodecim Pa-
ssima, in- latinos ab initio fuisse strenuos & fideles Rei-
guberna- pub. prus-
tione Rei- dens. pub. custodes, qui priuatis commodis negle-

ctis,

ctis, solam curam imperio promouendo gna-
uiter impendebant. Iustitiæ cōseruandæ cau-
sa leges quasdam promulgarunt, voce solum
modo ac consuetudine, non scripto compræ-
hensas, consilia statuto tempore habebant, &
in deliberationibus nō acumine certabāt, sed
veritatem verbis simplicibus & paucis can-
dide declarabant: suffragia non tam numerā-
tes, atq; ponderantes, pacem & tranquillita-
tem domesticam inprimis promouebāt, ne per-
turbatione & cædibus mutuis Poloni vexa-
ti, hostibus exteris, occasionem incursionem
faciendi, & regnum ipsum inuadendi ac de-
prædandi, præberent. Ideoq; etiam, si qua ex
hoste aliquo oboriebatur difficultas, illorum
erant partes, de belli summa deliberare, exer-
citū in bellū educere, & omne negotium ad-
uersus hostem subire ac explere: vnde etiam
Voiwodowie lingua Polonica, hoc est, du-
ces belli vocabantur. Postea vero cum à
natura facilis sit morum conuersio, proce-
dente tempore, tali imperio elati, iam non
nihil.

Duode-
cim Pala-
stinorū res
gimen re-
gni primo
seruidū,
post tepis-
dum.

A' naturæ
facilis morum
conuersio.

nihil de studio Reipub. remittere cœperunt, otia magis & voluptates, atq; labores consuetantes, suaq; priuata commoda publicis praferentes. Quisq; principem locum tenere, & in sententia dicenda Vincere voluit, unde ad ingentia odia inter se euadunt, ex odijs factiones trahunt, ex factionibus cadis & bella ciuilia acerba commouent. Ex inde sibi quisq; viuere, nec ullum respectum ad duces hosce male feriatos habere voluit. Hostes quibus antea nomen & arma Polonorum terrori erant, videntes malis hisce intestinis Poloniam distrahi, occasione accepta, eam inuadunt, & damna ingentia ferro & flamma inferunt. Cũ autem nullum finem horum malorum experiuntur Poloni, Palatinis ipsis in propulsandis hisce minime idoneis existentibus, rursus magistratum hunc abrogare, & Palatinos hosce publica hac dignitate abdicandos decernunt, de aliquo viro vno praepotenti, qui in integrum Rempub. Poloniam restituat, cogitantes. Scribunt magistratum Palati-

Palatinorum horum ad L. annos stetisse, cuius simulachra etiamnum in Palatinis hodiernis Polonicis cõspiciuntur, maxima cum Maiestate & splendore Regni, eiusq; commoditate.

CRACVS QVARTVS REX POLONIÆ.



Onuentu igitur Gnesnae factõ, Poloni Palatinos magistratu abire iubent, & si quidem rem communem dilapsam habebant, consultant grauitè, quo pacto hæc recolligi possit. Conuertunt iterum animos suos ad vnius imperium, & talem dispiciunt virum, qui fundamenta Reipub. concordiam & iustitiam, sanctè sapienterq; conseruatus sit. Offeritur exemplo vnus ex iisdem xij. Palatinis Cracvs nomine, vir omni genere virtutum ornatus, copijs ac opibus affluens, quem ad fastigium huius maiestatis prouebunt. Habuit hic Cracvs sedem omnium rerum & fortunarum suarum, ad montem Sarmaticum,

Fundamēta Reip.
cõcordia
& iusticia.

Electio
Craci in
Regem

maticum, in regione versus Pannoniam, xiiij.
milliaribus à fontibus Vistulæ sitam, qui si-
mul atq; hanc tam duram prouinciam sibi de-
mandari cognouisset, apertè recusare ho-
nores cœpit, & se nolle tam grauißimum o-
nus subire, dicebat: & reluctatus multum,
ne nimium munus tam necessarium defugere,
& operam suam patriæ collabentè denega-
re videretur, cessit votis & necessitati vr-
genti. Electus igitur in regem, omnem curam
sarciendæ Reipub. Polonæ aggressus, dome-
stica mala primum tollere orsus est, Polonos
odijs, factionibus & cædibus distractos, in
pristinam concordiam reducebat. Iudicia &
horum præsides, ad quos causæ oppressorum
deduci possent, legibus & decretis quibus-
dam latis, instituit, reliquaq; quæ Rei-
pub. Polonæ in rem fore putauit, magno cum
studio & labore, ea qua pollebat prudentia,
prospexit. Qua industria cum vulnera re-
gni tali prouidentia reficeret, ad ea quæ fo-
ris factò fuit opus, animum & vires appulit.
Grassa-

Grassabantur ea tempestate Franci in Pan-
nonia, qui subinde etiam ipsam infestabant
Poloniam, hos Cracus collecta manu fortiter
repressit, profligauit, & à finibus, casis
quam plurimis, repulit. Hinc alios vicini-
ores, hostes aggressus, cum eis vel armis, vel
fæderibus societatem firmavit, ita vt non mul-
to tempore summam pacem ac trāquillitatem
regno pararet, unde vacuus à curis & bel-
lis, nactus quietem aliquam, ciuitatem ad
Vistulæ flumen, in loco vbi fortunas suas
locauerat, condidit, quam à suo nomine Cra-
cow appellauit: quamuis aliqui à coruis cro-
citantibus, qui tunc multi eum in locum ad-
uolarant, appellatam esse volunt. Arcem
etiam in monte proximo, Wauel, extruxit,
quam regiam suam esse voluit, quemadmodum
& ciuitatē ipsam Regni metropolim, Gnesna
veteri vrbe postposita, constituit. Quæ quidē
vrbs ab exiguis profecta initijs, ita ciui-
bus optimis, magistratu prudentissimo, opi-
bus amplissimis, hominum maxima frequen-
tia,

vrbs Cra-
couiz pri-
mordia &
incrementa
II.

Eius cele-
britas,

Defensio
pervirum
magnū lo-
annē Za-
moisky,

tia, copia & affluentia omnium rerum, ædi-
ficijs splendidissimis, disciplina & moribus cul-
tissimis, Reipub. administratione optima, qua
civium vita beata, opibus firma, copijs locu-
ples, gloria ampla, virtute honesta contine-
tur, hucusq; inclaruit, ut nulli urbium in Eu-
ropa secunda esse videatur: Urbs præterea
munitionibus est firmata & septa, quo se ab
hostium quorumvis incursione defendere tuto
possit. Cuius maximum experimentum in re-
centi est memoria, cum anno M. D. lxxxvij.
electionis ius legitimum Regis Sigismundi
Tertij iam feliciter regnantis, propugnaret
vir magnanimus fortissimusq; Iohannes Za-
moyski, Cancellarius Regni & Generalis Im-
perator ac Administrator exercituum Regni
Polonici, quo tempore cum militum adversæ
partis in Urbem impetum facientis propul-
saret propelleretq; resq; præclaras in ipso
conflictu gessisset, memoriam nominis sui con-
secrauit sempiternam. Non desunt alia hu-
ius Urbis ornamenta maxima, cum in ea sit se-
des

des Episcopalis, quam hoc tēpore tenet Illu-
strissimus princeps de Olica & Nyesuis, Do-
minus Georgius Radziuil, Cardinalis S. R.
Ecclesiæ Tituli S. Sixti, vir magnus & al-
tus Reipub. Regni studiosissimus. Accedit
dignitas præstantissima, & in amplissimo Se-
nату Regni inter Palatinos ac Castellanos,
primaria Castellania Cracoviensis, qua iam de-
coratus est Illustrissimus vir, autoritate &
prudencia pollens Dominus Ioannes, princeps
Ostrogiensis, Palatinides Kijoviensis, utpote
filius Constantini Principis Ostrogiensis, Pa-
latini Kijoviensis, viri rebus præclare gestis
splendidissimi, copijs & opibus affluentis, &
omni laude cumulatissimi. Deinde Academia
viris eruditione præstantissimis, & stu-
diosorum frequentia celeberrima, de qua
Pauli Fouij maioris commendationis ergo,
adfero verba, Sarmatarum, inquit, regio Cra-
coviensis est, quam Vistula amnis interfluit, ibi
Mathematicorum studia maxime florent.
Publice enim literarum studiosi bonas artes

Paulus
Iovius
lib. 13. his-
toriz, p. 229.
Celebris
tas Acade-
miæ
Cracov.

G iij

docen-

docentur, & imprimis supputare syderum
cursus, atq; inde temporum vices, incerta bel-
lorum, & in utramq; hominum fortunam ar-
cana fatorum aperire consueuerunt. Illo ve-
ro tempore, promouente Craco Regnum Polo-
nia, noua & cultiora construebantur tecta, &
in vastis nemoribus, ut vult Dlugossus nouae
erigebantur coloniae. Huius Craci tēpore se-

Draco im-
mani spe-
cie, in Po-
lonia.

runt Draconem iubatū immanē ac terribilem
specie, in antro cauato & horrido, in quo arx
ipsa locata erat, latuisse: qui cum non modo
iumenta, sed & homines multos, fame premen-
te vorasset, nec vlla vi pelli necariq; posset,
arte vsus Cracus, vituli pellem, pice, sulfu-
re, & fomite incenso fartam, ad ostium antri
apponi iubet, quam cum bestia hiatu oris de-
glutiuiisset, & materia magis ac magis incen-
sa, interiora eius adureret, maximo cum cru-
ciatu & rugitu arcem quassante extincta

Obitus
Craci &
eius glori-
fica sepul-
tura.

est. Cum autem Cracus summa cum gratitu-
dine & laude domi & foris regnasset, vitae
& imperij multos conficiens annos, egit su-
premium

premium diem, filios duos & filiam tertiam
post se relinquens, qui funus amplissimum de-
mortuo fecerunt, corpusq; uti ipse manda-
uerat, in monte Lassotino ē regione ciuitatis
Cracouiensis, aggesto instar montis memoriae
sempiternae causa, tumulo humarunt.

LECH SECVNDVS

QVINTVS REX.



VM Cracus & Lechus fratres vna
cum VENDA sorore, iusta per-
soluissent paterno funeri, sermone dissemi-
nato sparsog, Cracum maiorem natu, in re-
gem eligendum: ubi Lechus ambitione fla-
grans, captare occasiones cepit, quibus re-
gnum fratri destinatum praeiperet, Et cum
ipso in viuis manente voti compos esse nequi-
uit, in necem eius animum intendit, ut quod
iure non potuit, scelere capeisset regnum.
Paruo elabente tempore, Venatum uterq;
exibant, ubi CRACVS prosilientem
feram

Electio
Craci
filij.

Si violen-
tū est ius,
regni gra-
tia est vio-
landum.

Rex im-
pius Po-
lonis iusti-
am aman-
tib' inui-
sus.

feram persequabatur, neq̃ alio respiciebat
quam quò ipsa fugerat, equus eius impruden-
tius ab eo actus, in genua procūbit: quem ca-
sum Lechus frater spectans, vesanus & per-
citus accurrit, & fratrem hærentem iaculo
contorto sternit, membra eius in speciem mor-
sus feræ, lacerat & stramento contegit, &
actutum deplorans multis cum lachrymis,
tam funestum casum fratris scilicet, exponit
omnibus: in quo cum fidem obtinuisset, ad
imperium assumptus est. Quo cum aliquo
tempore functus, primo rumoribus aliquibus
fratricidium eius detegi, post propalam ferri
ac traduci cœpit. Quod detestantes Poloni
cum alia ratione facinus hoc expiari non pos-
set, ipsum Lechum honore Regio exuunt, se-
dibus pellunt, qui sterilitate etiam à Deo pu-
nitus, eneruam ac frigidam vitam egit. Post
furiarum, quæ sunt speculatrices & vindi-
ces facinorum ac scelerum, agitatus ardenti-
bus tædis, angore conscientie & fraudis cru-
ciatu, absumptus est. Et hic primus fuit in
regno

regno Polonia, qui à splendore paterno dege-
neravit, nequitie sordibus imbutus, optimi pa-
tris pessimus filius, hic qui ius fraternū impe-
rii causa fratricidio violavit, dignitatem re-
giam apud Polonos semper intemeratā, scele-
re tãto funestavit, primusq̃ extitit, quē Polo-
ni, gens alioqui Regum suorum cupidissima,
obseruatissimaq̃, regno & sedibus spoliavit
expuleruntq̃.

VENDA VIRGO CRACI FILIA, REGINA IN IMP. POL.

Magna perturbatio & luctus ingens Po-
lonos tenebat, ob duorum fratrum regia
stirpe prognatorū, tam miserabilem ac repen-
tinum interitū, unde etiam novarū perturba-
tionum causæ quæri videbantur, cum suspensi
ac incerti essent, quem nam dignitati Regiæ
præficeret, quo restinctis ac sublatiis omnibus
perturbationibus, optima Repub. frueretur,
videtes tamen Vendam Craci sobolē relictā
esse, virginem & forma & animo virili præ-
stantissimā, insigne regni illi offerunt, supre-
miq̃

PRImus
rex ob fra-
trididum
à Polonis
regno pul-
sus.

Electio
virginis
Vendæ
quæ Pos-
lonis im-
perat.

H

Venda
regulum
quendam
nuptias
eius ap-
petentem
bello re-
primit.

Regulus quidam Rithigerus Saxonie sine dubio, ardenti amore eius flagrans, eam per legatos in uxorem expetit, ratus per nuptias se quoque regno potiturum. Sed Venda prudenti excelsoque spiritu, se absque viro defungi imperio, in eoque praesse semper, non subesse velle, respondit, speque frustratos legatos dimisit. Quae cum Rithigerus accepisset, ob repulsam indignatus, bello Vendam cum regno acquirere decrevit. Accurrit igitur tanquam centum coram habere, maximo instructissimoque suorum popularium cum exercitu Venda, et illi regulo impotentes amores exprobrans, ad conflictum eum prouocat, se Marte libidines eius cohibituram inclamans. Quam cum regulus plenam animi, plenam spiritus animaduertisset, monitus a suis ne ob libidines se et suos in discrimen conijciat, animo perculso et abiecto pugnam detrectat, et ob dedecus, vitam sibi acerbam esse putat. Cumque tam animo fracto carentique arbitrio suo esset, mortem sibi ipse conscivit. Quo facto, Venda victoria potita, fidem ami-

dem amicitiae cum Germanis sanciens, Cracouiam abscexit. Cum autem triumphum egisset, grata in Deos, quibus acceptam victoriam referebat, his seipsam sacrificij loco consecrat, persuasum habens, se hactenus satis Rempub. sartam et tectam conseruasse, nec quicquam restare aliud, quam ut pro eius sempiterna salute, votum religionis suae qua tenebatur exoluat. Atque ita in refertissimo celebratissimoque hominum conuentu, spectantibus omnibus, virgo altissimi spiritus, Regina et gubernatrix tanti imperij, nihil morata honores et opes, spreto et abiecto omnibus illecebris mundi, in profluentem Vistulae se praecipitem dedit. Facinus hoc stupendum quidem, et Venda, seculo illo gloriosissimum fuit, a pessimis tamen spiritibus profectum, qui natura crudeles, humanis victimis litari sibi volunt. Sic Iphigenia voto Agamemnonis patris immolata est. Et Graeci nece Polixenae litabant. Euripides etiam laudat Reginam Atticam quae volens exhibuit filiam, ut fieret hostia pro salute patriae.


Venda
triumphus
de Ger-
manis.

Demens
sacrificium
Venda,

Concedo ciues, victima[m] hinc abducite:
Vt salua sit victrixq[ue] nostra Patria.
Nam filia[rum] vitæ, salutem publicam,
Immota stat sententia, anteponere.

Ita idolatræ illi cursu sempiternæ gloriæ
deliniti, nihil veriti sunt, voluntariam oppe-
tere mortem, quod & Vendam apud priscos
Polonos, gentilismo regnante, fecisse scribi-
mus: cuius corpus ex aquis extractū vno ab
vrbe Cracouia milliario, procures Poloni ter-
ræ, more paterni sepulchri, in maximā alti-
tudinem aggestæ & euectæ, mandarunt: Mo-
gilamq[ue], hoc est, sepulchrū vocarunt, quo no-
mine in hodiernū vsq[ue] diem pagus eo loci si-
tus, dicitur.

DE DVODECIM PA- LATINIS, ITERVM POST MORTEM Vendæ in Polonia regnantibus.

 *P*time mihi sentire illi videtur, qui cō-
uersiones Rerūp. naturales esse dicunt,
quod & Cicero ex Platonis sententia cōpro-
bat: nul-

bat: nullus enim tam firmus & stabilis Rei-
pub. status existit, qui non vltro citroq[ue] in gu-
bernatione commutetur, cum vel principes
Rēpub. teneant, vel populi, aliquando etiam
ex plebe summi aliquot delecti viri, quod
quidem apud quasuis gentes sæpius accidisse,
non ignoramus, Assyrijs præsertim, Persis,
Græcis: & apud Romanos illos rerum Do-
minos, dignitates identidem mutatæ sunt.
Idem igitur Reipub. Polonæ accidit, cum
vel à plebe ipsa, vel à Regibus, aliquando à
duodecim Principibus viris, quos Palatinos
vocant, regeretur. Quam conuersionem Pa-
latinorum præcipuè bis contigisse legimus,
semel Lechi stirpe extincta: secundo, post
Vendæ felicissimum imperium: quo tempore
administratio Regni iterum ad duodecim
hosce Duces delata est, ea ratione, quod à
prima horum institutione, semper in duode-
cim prouincias nationem suam Poloni distri-
butam habebant: quarum semper duodecim
viris præfecturam dabant. Unde cum ob di-
uersa

Regno
cōuersiones
natura-
les.

Palatinos
rē imperi-
um, & cui
vocabatur.

uersa multorum in ambigendo regno post interitum *Vendæ* studia, non possent vni decernere imperium, illud eisdem Palatinis dederunt. Cuius quidem negotia aliquanto tēpore illi non sine maxima Reip. utilitate obire videbantur, donec creberrimæ hostiles incursiones, domesticæq; seditiones ortæ, supra modum regnū affligebant, quibus retundendis, vires ducum remissæ sufficere nequibāt. Latrones enim quidā ex Pannonia, & Morauia, irruptiones frequenter faciebant, dānaq; multa regno inferebant, tēpore non modico longē & latē in Regno grassantes. Aduersus quos cum negligentius duces agerent, multi subinde de malis regni cōquerentibus, vir quidā plebeius, Przemislaus nomine aurificio victū queritans, militiæ tamen studiosus, vsus stragemate quodam, hostes illos securos & incautos, ad interneccionem deleuit, statūq; Regni afflictum ac lacerum restituit. Quem ob tam præclarū ac salutare beneficium, cōseruatorē patriæ vocarunt, regemq; suum futurum declararunt.

Hostes
Poloniā
inestant.

Ab auri
fabro pro
figantur.

PRZE-

PRZEMISLAUS VEL LESCO PRIMVS, OCTAVVS POLONIÆ REX.



Ir, hic cui PRZEMISLAVM Poloni dixere nomen, communiter fertur plebeius fuisse aurifex, militaris tamen, unde videre est à principio apud Polonos licuisse, plebeium quemquam militum exire, & strenue rem agere, præmiumq; dignum s. Etis referre. Qua vero occasione ad fastigiū Regni prouectus fuerit, sic accipiendum est. Eius tempore Regnum Poloniæ innumeris malis cum perseditiosos ciues, tum per hostes accerrimos Morauos & Pannonas, fuit distraetum. Quibus, cum in maximarum rerum amissione, desperationeq;, nullus esset qui obuiam ire vellet, ipse maiora, quam vires eius ferebant, & animo concipere, & manu moliri orsus est, voluntarios milites, qui omnem cogitationem & curam in Rempub. afflictam posuere, coegit instruxitq; quam

Przemislaus auri-
faber quæ
fuerit.

Qua occa-
sione rex
electus.

Eius pa-
trix defē-
sio.

I pluri-

Stratage,
ma Prze-
misłai.

plurimos, quos cum in insidijs collocasset, ipse cum paucis noctu exploratū hostes adit, quos cum securos & incautos animaduertisset, ad suos redit, victoriam in manu esse nūtiāns. Ibi ex vna parte è regione castrorū hostiliū, galeas quam plurimas, ex corticibus arborū cōpactas cōfectasq; in arborū frondibus appēdit, ut eo modo speciem aliquam instructi exercitus hostibus obijciat, dispositis insuper hisce in locis lectissimis militibus, qui hosti in conspectum prodirent, & clamore terrerent. Ipse ex parte altera cum non contemnēda sociorum manu, in abditis abstrusisq; locis manet. Oriente itaq; sole, milites ex locis galearum appensarum clamore profuso, Morauos & Pannonēs perterrefaciunt, qui correptis armis absq; ordine confusi, recta in loca illa feruntur: quæ cum galeis innumeris referta esse conspexissent, rati exercitum latere, subsistunt. Quo momento à tergo Premislaus in castra impetum facit. Illi ex vtrāq; parte putantes se maximis exercitibus circum-

septos,

septos, maximo timore perculsi, omnes se salute desperata, in fugam conijciunt, quos Premislaus insequutus, acriter cedit & profligat, ita ut vix unus incolumis euaderet. Potitus itaq; hac victoria, castra socijs diripienda tradit, illisq; spolia & prædam omnem distribuit, ipse contentus sua virtute, qua hostes fudit fugauitq;, & regnum in libertatem vendicauit. Milites illi admiratione ducti tam prudentis ac fortis viri, ubiq; eum gloria & prædicatione efferebant, suadebantq;, ut si regnum sartum & tectum habere velint, regem eum cōsalutent. Quo proposito perturbati Palatini, quib. administratio Regni ex usu fuit maximo, Premislai famam existimationemq; minuunt, iusq; nobilitatis auitum in eligendo nouo rege iam explicatū, perturbare impedireq; conantur, vicit tamen tota nobilitatis consensio, Premislao in ducem creato, quem paruum Lechum suo Sclauonico vocabulo Lesczek nūcuparūt, eo quod veluti primus Lechus, regnum lacerū ac pro-

Victoria
de hostib.

Electio in
Regem.

I ij

stratum

stratum sua industria releuarit. Fuit igitur hic Princeps omni virtutum genere ornatissimus, cui ad tenendam Rempub. nec prudentia, nec fortitudo, adeoq. nec amor fidesq. ciuium, unquam defuit. Quoad vixit, terrori semper hostibus fuit, & dignitate regia absq. ullis impedimentis persunclus, diem suum, nulla prole relicta, obiit.

Guberna-
tio Regni
felix.

Vlti-
mus.

LESCVS SECVNDVS

REX NONVS.

Ob obitum huius Lesczek, noui turbidi motus in Polonia concitantur, ex electione potissimum noui principis, quam difficilem & lubricam in magnoq. labore positam experiebantur. Multi enim, vel plebeia communiq. potestate Remp. regi, suadebant, alij iterum Palatinorum administrationem restitui auebant, & alij, qui vnus dominatum ceteris omnibus anteferebant, ambitione immoderata laborabant, nullo modo ad vnum

Electio
Regis Po-
lonis libe-
ra, sed dif-
ficilis fuit.

*ad vnum aliquem spectatae moderationis vi-
rum, vota sua concordī voce conferre volen-
tes: qua animorū varietate horumq. sollicita
contentione, rem periculosissimam in regnum
inducebant, seditionē atq. discordiam. Quod
malum cum in regno serperet, manaretq. la-
tius, ne ad extremum ipsam Rempub. pessun-
daret, viri quidem moderatioris ingenij, so-
lius R. P. amore sortibus tanquam diuino
quodam nutu, electionem Principis peragi
persuadent. Quod consilium tanquam oracu-
lum quoddam calitus prolatum amplectun-
tur omnes, sortesq. cursum æquorum maculis
conspersorum deligunt: vt qui primus ad
metā præfixam peruenerit, regno potiatur.
Locum igitur curriculi in campo Cracouien-
si, versus Pramnik amnem deligunt, in quo
statuam corona & sceptro redimitam, ad quam
equis contenderent, locant, diemq. tam ma-
gnifico certamini præstituunt. Inuentio certē
pleni ac exquisiti consilij hæc fuit, qua impe-
rij potius diuini modum appositissimè declara-
bant.*

Res perio-
culosissia
ma in re-
gno sedis-
tio & disci-
cordia.

Modus e-
lectionis,
cursus e-
quorum.

bant. Equorum enim opera res maximi mo-
menti, viri nomine ac honore illustres cōficere
Herodot
l. 3. p. 223 cōsueuerunt, quemadmodū & de Dario legi-
mus, qui equi beneficio regnū obtinebat Per-
sicum. Et Corn: Tacitus Germanos in diui-
nationibus equis vsos fuisse scribit, hæc in ver-
Cornel.
Tacit' de
moribus
Germano-
rum. p. 204. ba: Propriū gentis equorū quoq; præagia ac
monitus experiri, publice aluntur iisdem ne-
moribus ac lucis candidi, & nullo mortalium
opere cōtacti, quos pressos sacro curru sacer-
dos, ac rex vel princeps ciuitatis comitan-
tur, hinnitusq; ac fremitus obseruant, nec ulli
auspicio maior fides, non solum apud plebem
sed apud procures, apud sacerdotes. Quod
autem nō promiscuos, sed punctatos ac varie-
gatos equos huic curriculo destinarant, cau-
sam subesse puto, splendorem ac amplitudi-
nem regni, ad quod assequendum equis tam
selectis, ac equitibus splendidis, opus fuit ma-
ximè, vel certè ob religionis reuerētiam, qua
solem in certamine effulgentem, equis ei sa-
cratis tam selectis ac splendidis, propter re-
gni cur-

gni cursum felicem ac faustum, honorarent.
Antequam igitur dies dicta certamini ad-
uenisset, quidam cupidus Regni, fortunæ dis-
fidens, dolo & fraude certamen conficere
statuit. Viam curriculi determinatam fer-
reis clauis, primo quoq; tempore, nocte concu-
bia, hinc & inde confixit, herbaq; congesta
contexit atq; abdidit, vno tamen spatio inte-
gro relicto, quo cæteris in stadio retardatis,
ipse pernici cursu statuam primus contingat.
Et ne ipse inter currendum actum equum læ-
deret, soleas ferreas solidas in eius ungulas
induxit. Quod tamen nec latere diu nec illi
ex animi sententia cedere potuit. Duo enim
iuuenes homines infimi, post præsentē machi-
nam, die sequēte in illud curriculum descen-
dunt. In quo cum animi relaxandi causa sta-
dium currerent, pedibus cōfixis & læsis frau-
dem præsenferunt, quam tamen ad ipsum pu-
blicum certamen cælarunt, vt autore insidia-
rum aperto, ipsi fortunam aliquam expe-
riri stadio iam sibi cognito, possent. Atq;
igitur

Dolo ne
an virtute
Regnum
querēdū.

igitur cum praestituta certamini die omnes
candidati, spectantibus quam plurimis, in ha-
renam equis splendidis descendissent, alter
prafatus iuuenis altos spiritus concipiens, pe-
des ad statuam quoque, omnibus tanquam va-
nissimum conatum eius deridentibus, conten-
dere decreuit. Cumque citatis equis cursu nite-
rentur, omnes laesis equis vel subsistere, vel
excussi humi haerere sunt coacti, ipso fraudis
artifice illaeso ad statuam cum gaudio aduo-
lante, quem mox iuuenis ille subsequutus est.
Qui, cum eques ille coronam sceptrumque pra-
benderet, regisque nomine compellaretur, alijque
de equis laesis grauitur quaererentur, fraudem
omnem noui regis in apertum produxit, cla-
uos ex terra euellens commonstrat, monet ut
artificium videant. Rem enim nefandam esse,
ut, quod sortibus diuinis propositum regnum
fuerit, fraudibus & maximo suorum equi-
lium detrimento, a quoquam parari debeat. Ado-
lescentem hunc quem antea ludibrio habe-
bant, benigne & attente audiebant omnes.

Perqui-

Perquirunt de clauis accuratius, his omne
curriculum oppletum inueniunt. Rex addu-
citur nouus, quod equum illaeso habuerit,
ex ungulis calcibus ferreis munitis, deprae-
bunt, tramitem quoque quo ipse currebat,
vacuum clauis cognoscunt. Atque omnibus ar-
gumentis fraudis ab eo patrae probe con-
quisitis, violator sacrosanctarum sortium iu-
dicatus est, quem equis discerptum membra-
tim disseuerunt: ne vero aliquid de diuino
nutu attenuare minuereque videantur, iuue-
nem illum qui pedes secundus ad statuam Re-
giam peruenit, regem creant, splendoreque
Regio in urbem vehunt, Lescumque nomine
regio compellant, ad eius genus infimum, nul-
lam offensionem atque fastidium habentes, vol-
uentes illud maxime quod vulgo dici con-
suevit.

Malo pater tibi sit Thersites, dum modo tu sis
Aeacidae similis, Vulcaniaque arma capeffas:

Quam te Thersitae similem producat Achilles.

Neque enim haec Electio erat Polonis de-
decori, cum etiam antiquitus apud multas
gentes

Poloni non
fastidie-
bant ple-
beum in
Regem e-
ligere, non
genus non
opes, sed
virtutes
spectantes.

gentes ex gregarijs hominibus propter virtutes spectatas, duces ac Reges deligebantur. Nonné Saul ex pastore armetario, David ex opilione, Romulus & Remus ex pastoribus Reges creati sunt? sic apud veteres Polonos Regem habebat eum, qui virtutis, sapientiae, & dexteritatis testimoniū habebat. Fuit hic

Cicer pro
lege Ma-
nilia, pag.
9. volu. 2.

Lescus princeps optimus, omnium de se expectationē summa cum admiratione superans: qui ita se gessit, ac si in ipsa Regia satus & altus esse videretur. Rēp. tuebatur hiscerebus quae illi inerāt, rei militaris sciētia, virtute, autoritate & felicitate, ac imprimis, ut memoriae proditū est, eum nullis alijs magis oblectatum fuisse, atq. militaribus studijs. Non

Sabellio
exēplorū
l. 2. p. 41.

Exemplū
vita in re
ge Ethio-
co, Regis
Christiani.

insectabatur muscas stylo ferreo, ut Domitianus fecisse perhibetur, in suo cubiculo: nec ut Sardanapalus inter mulierum choros lanificia faciebat: vel quemadmodum de Aropo rege Macedonum narratur, lucernas & abacos fabricabatur, nec etiam cochlearia lignea affabre calabat, quod de Othomanno Macho-

Machometo fertur, sed illa amplexus est, quae vires corporis augerent, atq. ad artem militarem plurimum facerent. Ideoq. contra hostes quosuis, omni momento expeditissimus paratissimusq. fuit. Quos simulatque regnum inuadere praesentiret, absq. mora ad fines regni cum expedita manu aduolauit, cuius praesentia territi hostes, non ausi sunt ad infestandum progredi longius: vel si aliquando in aciem copias produci, & cum hoste praelio congregi oportuit, ita exercitum instruebat, & ipse cum hoste manus conferebat, ut ex acie semper ouans discederet.

Quemadmodum argumento sunt Pannonae & Moravi, quos saepius bello profligarat. Hic primus ludos militares in Polonia aperuit, certamina quaedam denunciāns, ac praemia proponens, quo non solum occasiones ac illecebras otij in regno praecideret, sed potissimum, ut exercitatus Polonis, cum usus posceret, paratis ad singula in bello necessaria negotia, uti posset. Et cum ani-

Ludi mi-
litares.

K ij

maduer-

Regis ad
exemplum
num totū
componi
debet re-
gnum.

maduerteret gentem Polonam diffluere luxuria & ebrietate, alijsq; multis corruptelis morum infectam & coinquinatam fuisse, ipse huiusmodi vitæ suæ habuit modum optimum, ad cuius exemplum totum regnum componi ingenti desiderio auebat. Ideoq; sobrietati imprimis operam dabat, quod hanc experiebatur esse matrem omnium virtutum, sine qua nec in priuatis, nec in publicis, quicquā consultū facto præstari possit. E contrario, ebrietatem omnium vitiorum fomitem, animi & corporis pestem ac peruersionem, omni conatu deuittabat, quam ut omnibus exosam redderet, belluam immanem vocabat. Vidit enim optimus hic Lescus lumine rationis, plures ebrietate perire, quā gladio: vidit ebrietate insanas libidines, stupra, adulteria, rixas, cædes, tanquam furia quadam effrenata & indomita agi. Quæ cum de hoc principe Ethnico maiorum nostrorum expēdimus, reputent moderni magnates & nobiles Poloni, quo loco numerandi sint, qui propter suam temulen-

temulentiam rarissimè vel orientem vel occidentem solem videre solent. Vestitu & cultu corporis utebatur etiam hic Lescus, non exquisito, nec superfluo, sed tantum frugali ac parabili: idq; quo saltem ipse fugeret inhumanam & agrestem, ut ille inquit, feritatem, & populum ad similem frugalitatem inuitaret. Hoc enim perspectum habebat, aulicos, nobiles, ciues, & reliquum vulgus, principes suos nimio & affectato vestitu indulgentes, certatim æmulari, quo fit, ut maximis sumptibus in comparatione vestium factis, facultatibus, & ditionibus exhauriantur. Sic legimus Agesilaum illum potentissimum Lacedæmoniorum ducem, quatuor temporibus una tantum veste uti solitum, in ore illud semper voluentem, Principem non mollicie & delicijs præstare priuatis, sed virtute debere, unde interroganti cuidam, cur aspera hyeme, solo amictus pallio absq; tunica obambulet, ut inquit, iuuenes hanc vitæ rationem imitentur. Sic Augustum il-

Plutarchus
in apophthegmatis
Lacōicis,
pag. 225.

lum summum Monarcham non alia, quam do-
 mestica à sorore vel filia veste confecta, vsum
 fuisse scribit Suetonius. Et Plutarchus, Ca-
 tonem Uticensem narrat, eo tempore cum
 Romæ passim purpureæ vestes gestarentur,
 in contemptum harum fusca veste & nudis
 pedibus frequenter incedisse. Quod & de
 Agathocle Sicilia rege à Plutarcho proditū
 habemus, qui cū esset filius figuli, potitus Si-
 cilia & rex appellatus, solitus erat pocula
 iungere aureis figulina, atq; iuuenibus glorās
 dicere, se qui ante hæc finxisset, nunc illa ob
 vigilantiam ac strenuitatē facere: de quo et-
 iam Ausonius ita cecinit.

Fama est fictilibus cernasse Agathoclea Regem,

Atq; abacum Samio sæpè onerasse luto.

Quarenti causam respondit, Rex ego qui sum,
 Sicania, figulo sum genitore fatus.

Fortunam reuerenter habe, quicumq; repente

Diues ab exili progrediere loco.

Sed quid tam extera & peregrina peto? do-
 mesticum euidens ac præstans exemplum ha-
 buimus in illo nostro summi consilij & maximi
 animi

animi, cuius prudentia optimè stabat Respub.
 Polona, Rege STEPHANO demortuo,
 quem ab eo tempore, quo in regnum Polo-
 niæ ingressus diadema Regni sortiebatur,
 vestitu honesto ac non operoso uti vidimus,
 nimirum legem ac modum ponens Polonis,
 quos in parando aduentitio cultu ac vestitu
 dementia cepit maxima. Ad eundem
 itaq; modum noster ille Lescus nunquam af-
 fectato ornatu se venditabat, sed patrio &
 simplici utebatur, præterquam cum illi vel
 legati ab exteris regibus excipiendi erant,
 vel aliqua publica in publico conuentu mu-
 nia obeunda essent, tunc splendidiori quodam
 ornatu præsidebat, ut eo decorum imperij
 exhiberet, non fastum vel molliciem ostenta-
 ret: semper tamen illam attritam & squalen-
 tem apponebat vestem, & in conspectum pro-
 tendebat, in qua rex designatus incedebat,
 quo in omni vita pristinae cōditionis & tenui-
 tatis suæ admoneretur, & omni tēpore fluxam
 ac instabilem fortunæ commutationem, ob-
 uersan-

Summa mo-
 deratio
 morū Les-
 ci cura
 foris in
 Regno.

uersantem oculis suis, contemplaretur. Præ-
 terea in omnes liberalitatem summā exercuit,
 iudicio recto & honesta beneuolentia, &
 præcipuè in hospites, quos nunquam remune-
 ratos dimittebat, ut incertis diuitijs, amicos
 certos sibi compararet. Nihil enim præter
 omnes virtutes magis allicit, quam ipsa mu-
 nificētia. Ciues quoq; suos, quorum angustia,
 ne emergerent obstabat domi, suis promoue-
 bat sumptibus, ut vel in aula sua, vel in Reipub.
 aliquo munere, vñ esse possent, illud
 vnicum exemplo suo statuens, quò omnibus
 ex æquo virtutem colentibus, ad Reipub. no-
 biliora munera capeffenda, via pateret, ma-
 ximè vero priuatorum, miserorum & pau-
 perum, ipse priuatæ conditionis suæ memor,
 miserebatur, deditq; operam ne à potenti-
 bus opprimerentur. Quibus tam præclaris
 moribus, & in Rēpub. immortalibus meritis
 editis, utilis ac salutaris imperio, quo adui-
 xit, exitit. Filium quem in principatu ge-
 nuit, vnicum memoriæ & nobilitatis suæ in-
 ceptæ,

Vitz
 finis.

cepta, propaginem felicem habuit, à suo no-
 mine Lescum dictum, quo relicto, labore vi-
 gilijs & ætate regni confectus, clausit vitæ
 suæ diem postremum.

LESCVS TERTIVS

DECIMVS POLONIÆ REX.

FELIX & faustum huic viro Lescō-
 nis nomen erat, quo à patre huius ^{Nomē Le}
 nominis rege, in natalibus appellatus, & patris ^{sci & gu}
 virtutum, & regni simul facultatem sortie- ^{bernatio}
 batur. Viuente enim adhuc patre rege omniū ^{regni, fe}
 quos ante Poloni habebant præclarissimo, ^{lix}
 semper se dignum ac fructuosum Reip. præ-
 stitit in omnibus, quæ modò regno ex vñ es-
 sent, fidem ac operam suam promptam expo-
 sitamq; præbebat, curam ac cogitationem di-
 gnissimam paternæ virtutis suscipiens, seq;
 tanto patre satum ad successionem regij bo-
 noris accommodatum exhibens, unde è viuus
 excedente patre, successionem regni tanquam
 L pater-

paternarum virtutum meritorumque heredi
 addicunt Poloni, non absimilem spem in eius
 imperio & studiis erga se, Remque publicam
 repositam habentes, quam in patre eius sem-
 per optimam & salutarem experiebantur.
 Quod quidem eos fefellit minimè: Quam-
 primum enim clauum imperij apprehenderet,
 patris vestigia sequutus, omnem omnium de
 se expectationem expleuit, vicitque. Gessit
 res maximi momenti, regnum aliquoties ciui-
 libus malis multis vexatum, sua industria
 & consilio salubri collegit atque recreauit.
 Cum finitimis, quibus cum & reges alij supe-
 riori memoria, & ipse Lescus superior ne-
 gotium habuere maximum, bella gessit
 consecitque tam prosperè, ut victor existens,
 his finem imposuerit, tranquilla suorum li-
 bertati impense prospiciens, Et firmata pace
 omnibus hostibus, quibus antè ob generis
 tenuitatem despectu i erat, gratissimus & ac-
 ceptissimus fuit, ita ut eius auxilium aliquo-
 ties contra hostes suos implorauerint. Me-
 moria

Lesci
 pud exte-
 ros cele-
 britas.

moria traditum est huius Lesci tempore
 Pannonos & Sclauos varijs & periculosis-
 simis bellis, partim ab orientis, partim ab
 occidentis imperatoribus fuisse implicatos.
 Qui virtutem Lesci in bellicis rebus exper-
 ti, maximis precibus & amplissimis largi-
 tionibus, eius auxiliares copias deposcebant.
 Quibus ille ob vicinitatem & amicitiam,
 qua iam abolitis omnibus superioribus offen-
 sionibus satis firma & fideli fruebatur, non
 grauatim socia arma iungebat, & eis in ad-
 ministratione belli contra hostes multoties
 dexterimè depugnans, maximo adiumento
 fuit. Prolem, qua stirpem suam regiam firmas
 radices agentem, in multa propagauit tem-
 pora, numerosissimam habuit, quam & ex
 uxore legitima, & ex pellicibus progenue-
 rat. Ex uxore quidem unicum filium Popie-
 lum, ex pellicibus vero, viginti alios fi-
 lios. Et POPIELVM thori legiti-
 mum gnatum, moribus & institutis opti-
 mis, in

Proles nu-
 merosiss-
 ma Lesci.

Lij

mis, in manibus prudentissimorum atq; fortissimorum virorum educandum informandumq; credidit, idq; quem Regni futurum successorem post mortem suam destinarat. Reliquis probè educatis provincias & ditiones quasdam in oris maritimis, quæ Polonico suberant imperio attribuens. Nomina autem filiorum hæc sunt.

Ex vxore	[Popielus, regni successor.]		
	1. Boleslaus	[Boleslao]	
	2. Casimirus	[Barnimo]	Pome-
	3. Vladislaus	[Bogdalo]	rania.
	4. Vratislaus	[Casimiro]	Castus
	5. Oddo	[vladislao]	bia.
	6. Baruimus		
	7. Przibislaus	[Iaxæ]	Serbia
Expel licibus	8. Przemislaus	[Semiano]	
	9. Iaxa	[vratislao]	Rugia
	10. Semionus		quæ post Misna dicta est.
	11. Semouitus		appellatione Polonica, &
	12. Semōislaus		mure, quæ Polonis, Myß dicitur.
	13. Bogdalu	[przibislao]	Ditiuonia
	14. Spicigutus	[czesimiro]	quæ nunc Lusacie
	15. Spimerus	[Oddæ]	nomen obtinet.
			16. Spi

Expel licibus	16. Spigneus		[Przemisla
	17. Sobeslaus	ex his	Ziemoui to
	18. Vissimirus	cessit.	Ziemomoisla
	19. Czesimirus		Zgorzeleensis, quæ
	20. Vislaus.		iam Marchia Branden-
			burgensis est.

REliquis vero in hisce provincijs ditiones quasdam partitus est, in quibus post arces aliquas & ciuitates condidit, utpote Miedzibozæ, quod iam Meydburg dicitur, Vislaus condidit.

Daliei, quod Dalemburg vocatur, Sobeslaus.

Vismark Visimirus restaurauit refecitq; olim à Visimiro nepote Lechi fundatam. Quemadmodum & reliquas vrbes, quæ Sclauonicis nominibus nuncupantur, nimirum Brema in finibus Westphaliæ, quæ Polonis onus sonat, eo quod contra hostes præsidium fuit maximo cum onere & labore extructum.

Luna castrum Luneburg Germanis dictum, eo quod in loco præcelso atq; adito situm, fuerit aspectabile & in prospectu omnibus.

Lubeck quod Sclauī qui circum isthæc

L ij loca com-

ca commorantur, Bukowiecz auito & genu-
ino vocabulo cognominant, quamuis & i-
psum quo Germani utuntur Lubeck Sclauo-
nicum esse videtur.

Sic alia castra quæ extant multa, Ra-
thibors, Swerin, Lukow à quodam Meclo-
ne conditum, unde Germani Mechelburg
vocant.

Gilow à crassitudine terræ, Gyl enim
Polonicis dicitur terra viscosa & globosa.

Rostock, quæ à quodam Przibislao,
Helmoldus, qui Sclauicam historiam con-
scripsit, conditam esse dicit à profluentia a-
quarum dictam.

Zwanow, à vocando quia Polonis vo-
catus Zwani, wezwani dicitur, Sic & alia.

Ostrow, Marlow, Czeslin, Trzebieffow,
Vielogost, iam Wolgast dictum, Starigrad,
Helmold. Bielograd, Nouigrad, Szcecin, quod Steti-
s. 12 p. 25 num iam incolæ vocant, sedes illustrissimo-
rum principum Pomerania. Volin à bobus
dictum, quod alio vocabulo appellarunt Lu-
linum.

linum, urbs insignis ætate illa, tantis opi-
bus, tantis mercatorum negotijs frequens, ut
vix aliâ parē illi tū Europa videret, Constā-
tinopoli excepta, ipso Crantzio tale testimo-
nium de ea præbente. Sed & Dresnam, Crätzio
Lipsiam, Costeinum, & alia Misnensis & in Vanda-
Brandenburgensis ditionis castella & oppi-
da, à Polonis condita esse, & ex ipsis nomi-
nibus patet, & termini veteres regni Polo-
nici testantur. Certa enim & euidentia, ut
Crantzij verbis utar, sunt documenta, quod Crant: in
ex Polonia in Silesiam, & inde in Marchiam Vandalia
nouam & veterem, per Magdeburgensem & l. 2. p. 38.
Halberstadensem diœceses, usq; ad Hercinios cap. 21.
montes, & inde ad Visurgim fluvium in oc-
ciduum, omnem eam prouinciam fuisse Van-
dalorum, ipsos Vandalos, Sclauos & Polo-
nos, Crantzium sequuti, intelligentes. Has
oras & ditiones omnes, quæ imperio parebant
Polonico, Lescus filiis suis distribuit, ea ta-
men conditione & lege, ut Popielum impe-
rij totius præsidem agnoscerent, eiq; con-
silio &

Blondus
Decade
l. i. p. 165

Vrsper
gens in
suo Chro.
pag. 179.
Reyno li.
2. in suo
Chron.

filio & auxilio pacis & belli tempore praesto
esse non negligerent. Quod ut firmū ratumq;
semper esset, iuramento omnes deuinxit. Qua
quidem diuisione facta, cum Carolus Magni
Caroli filius ex concubina natus maior, ea tem-
pestate, cuius fuit annus Saluatoris nostri
805. Saxoniam ingressus, longē & latē Po-
lonicas oras vastaret, ille expeditione facta,
maximo & acerrimo praelio cū hoc Carolo ad
Oderam flumen confligit, eoq; loci cruentam
victoriam relinquens hosti, occubuit.

POPIELVS VNDE- CIMVS POLONIAE REX.

POPIELVS superstes, Rex an-
te occasum patris declaratus erat,
qui ut tuto imperium regeret tuereturq;, cō-
municato consilio cum proceribus, & vicinis
suis Boëmis & Sclauis, legatos de pace &
fœdere impetrando, cum amplissimis muni-
bus Aquisgranum ad Carolum, ut testis est
Sabelli-

Sabellius, amandat. Quae legatio Carolo
alijs bellis implicito & exoptata & necessa-
ria fuit, praesertim cū fuerit expertus, quāto
cum discrimine bellum illud cum Sclauis,
Polonis, Boëmisq; gesserit: quamobrem lubens
pacem ac fœdus cum Polonis firmavit. Sic
enim Sabellius: Reuerso deinde Aquisgra-
num, Sclauorum, Polonorum & Boëmorum
legati cum amplissimis muneribus praesto af-
fuerunt. Horum postulata fuere, ut pax cum
Gallis incolumis maneret, id quod Carolus
perhumanē dedit. Ut inde inconfesso sit, Cu-
reus in suis annalibus odio fortasse nominis
Polonici, futiliter scripsisse, tunc Polonos
tributarios Germanico Imperio factos fuisse.
Quod quidem & ipse Cureus verbis subse-
quentibus immemor priorum, refutat & re-
fellit, inquiens. Idem Carolus ad arcendos
Polonos à Germania, muniuit Brandenbur-
gum anno 789. collocatis eo colonis ex Al-
satia, quos tamen Poloni non multo post mor-
tuo Carolo eiecerunt. Nam filij huius Lesca
quos

Sabellius
Enea 8.
lib. 9.
pag. 689.

Cureus in
annalibus
Silesiae,
pag. 28.
Cureus
multa scri-
psit futili-
ter de res-
bus Polon-
icis.

Polonica
arma sem-
per fuisse
terrori
German.

Caspar
Peucerus
lib. 4. pa.
565.

quos habuit plures, veteres sedes Longobar-
dorum, Senonum & vicinorum inter se par-
titi sunt, & excitatis multis munitionibus
se se aduersus Germanos defenderunt. Cum
illis tamen populis Henetis, Polonis, & Boë-
mis assidua bella gessisse scribitur. Ludoui-
cus Caroli filius, circa annum Domini 830.
Anno Domini 832. Francofurti iste Ludo-
uicus princeps Henetos ad se accersitos pa-
cauit. Fatetur Cureus Polonica arma semper
terrori fuisse Germanis, & filios Lesci qui
amplas ditiones possidebant, excitatis multis
munitionibus, se se aduersus Germanos forti-
ter defendisse, ita ut Ludouicus non pensio-
nes aliquas & tributa illis imperare, sed ac-
cersitis, pacem ab illis querere, & eos pa-
care sit coactus. Ita Caspar Peucerus, qui
Philippi historiam continuauit & auxit,
cum de Polonis bella assidua gerentibus cum
Caesaribus & Marchionibus, scribit: Gesse-
runt inquit, hi Marchiones magna bella cum
vicinis Polonis & Boëmis, & aliquot ex il-
lis for-

lis fortiter praeliando occubuerunt. Bo-
leslaus Polonus penetrauit populabundus
ad urbem Misenam vsque, genti ἀπώροπος, vi
expugnata Budissina, post primi Echardi
mortem. Nec finis bellorum fuit, ante-
quam Otto tertius Poloniam imperio con-
iunxit amicitia & foederibus. Quibus
Peucerus iste, coniunctionem Polonorum
cum Germanis hanc fuisse, non tributa ali-
qua sed amicitiam & foederationem demon-
strat. Constatq; ex probatissimis histo-
rijs, quas suo loco & tempore DEO dante
proferam, & euincam, Polonos nunquam nec
Germanis, nec alijs exteris Regibus tributa
pendisse, esseq; illos scriptores vanissimos, qui
hoc ausi sunt asseuerare. Sed ad Popielum
redeo. Hic cum factus esset confederatus
Romano imperio, paterni animi virtutisq;
immemor, inertissimum desidiosissimumq; o-
cium consecutus est, CRACOVIAE urbe
regia commoratus, cum videret se remotius
M ij à fra-

Poloni
nulli vnq;
quam tri-
buta pen-
debant.

Vita &
studia, in
regno Pos-
pieli,

Popieli
metropo-
lis Crui-
suicia.

Eius capi-
taneatus
cui iam prae-
est vir ma-
gnanimus
Adamus
Balinsky
Castellanus
Bidgosti-
ensis.

Popieli
impreca-
tio fatalis.

fratribus agere, cliuosque regionis illius vo-
luptati suae non arridere, Gnesnam cum aula
sua demigravit. Deinde captus planicie qua-
dam in ditone Cuiaviensi ad lacum vastissi-
mum Goplo dictum, arcem eo loci extruxit
Krusuiciam nomine, quae hucusque remanet.
Et cum Regia Popieli, Piasig patria fuerit,
etiamnum radices dignitatis antiquae illam
retinere scimus. Est enim sedes praefecturae
vel capitaneatus regni, cui praest hoc tem-
pore vir illustris ac prudens, magnificus Do-
minus Adamus Balinski de Chomiazi, Ca-
stellanus Bidgostiensis, senator regni inte-
gerimus. In hac igitur ciuitate, relicta Gnesna
Popielus, adhibitis voluptatibus per totam
vitam suam degit, indies magis ac magis ab
illa perenni ac contestata maiorum suorum vir-
tute degenerans. Fertur imprecatio eius, qua
deuouere solitus sit, fuisse: mures utinam te
exedant. Quae tamen in eius filio fuit effi-
cax, quem ob nefandum facinus in patruos pa-
tratum a munitibus derosum legimus. Obijt
aetate

aetate immatura morbo ex voluptate contra-
cto, filio sui nominis muribus in escam relicto.

POPIELVS IVNIOR

DVODECIMVS REX.



M adhuc Popielus demortuus
gravi morbo conflictaretur, fratres Popielus
eius principes Pomeraniae cunctos, veriti, ne iunior
absentibus eis morte absumeretur, inuisendum Rex de-
claratur.
eum aditum properant: aduentum tamen i-
psorum mors praecessit eius, ex quo vehemē-
ter solliciti, praecipuo quodam dolore ange-
bantur. Curato tamen funere ad Rempublicam
accedunt, eique omnem operam suam tribuunt,
Popielum relicto Regis filium fratruclum
suum admodum adolescentem, licet imperio
nondum maturum, facto cum proceribus con-
uentu, regno destinant: ipsi laborem & ad-
ministrationem Regni, quoad aetate & iudi-
cio adulescat, subeuntes. Interea Popielus
petulanti adolescentia impudicus, procax,
M iij praesra-

Popielis
adolescē-
tia indi-
gnissima
Regno.

præfractusq̃, ætate progrediebatur. Et cum
prouectiorem ætatem attigisset, natura ad
libidines & ocia pronus, omnem curam pa-
truorum suorum aspernabatur. Adolescentes
nesarios alebat, à quibus ad omnia mala
inflammatus, ætatem iuuenilem equitan-
do & compotando consumebat, & cum in
dies inebriaretur, mente alienabatur, quam
ne quidem sobrius sanam admodum habebat,
utque quicquid liberet facere, etiam sibi
liceret, administrationem regni patruorum
suorum molestissimè ferebat. Ideoq̃ se am-
plius regi à quoquā non patiebatur, curam &
studium Reipub. ipse præ se ferens, quæ mala
huius insolentis ac petulantis regis, patru
principes & senatores reliqui, cum animad-
uerterent nulla ratione refrenari ac coerceri
posse, hoc consilium tanquam ultimum reme-
dium capiunt, ut ei uxorem mulierem for-
tem & prudentem provideant, cuius societa-
te & dexteritate mores eius reformari, vi-
taq̃ emendari citius possit. Verum & hoc.

nihil

nihil prorsus iuuit, connubio enim iunctus,
non mutauit sed accumulauit scelera, ipsam
in his uxorem adiutricem habens. Erat qui-
dem ea mulier præstanti ac illustri familia,
utpote Reguli cuiusdam Germanici filia,
forma, ætate & ingenio nobili, sed dotibus
hisce abusa, mariti luxuria atq̃ intemperan-
tia diffluentis, animum peruertit, cum eum
in sui amorem nimium allectum, ab omni cura
& studio Reipub. auertit. Et cum ambitione
atq̃ auaritia plurimum æstualet, ipsa guber-
nacula regni ad se traxit, quo & thesauros
multos congereret, & omnia pro libitu suo
in regno ageret. Qua muliebri audacia,
cum Respub. Polona magis ac magis dilabi
cœpisset, nec spes erat regem tam effemina-
tum, mulieris imperiosæ fastuosæq̃ manci-
pium factum, ad meliorem frugem reditu-
rum, non modo priuatim, sed & publicè
tam patru principes, quàm reliqui primates,
de utriusq̃ moribus, tam enormibus & per-
ditis

ditis conquerebatur, agitabantq; consilia, quo pacto tanta rerum in regno iacturae obuiam ire possent. Quae cum mulier versuta & malitiosa rumore & auditione accepisset, veritate ne maritum ineptissimum, seq; iam multis nominibus exosam omnibus, regno pellerent, hoc consilium inibat, quo primum ipsos patruos principes infidijs peteret, siquidem hos maximè suis conatibus obsistere videret. Hos itaq; coram marito, quem in omnibus emancipatum habebat, de ambitu reos facit, datq; consilium, quo pacto de medio tolli queant, instruit stolidum, morbum mortiferum fingat, & patruis accitis se morte instante suosq; filios commendet, quibus lecto affixus, pocula aliqua, quae sint ultimae benevolentiae & amoris monimenta quaedam, ad exhauriendum propinat, quae illa recepit se cantharide infecturam. Successit nefarium hoc facinus, cum principes optimi nihil subesse fraudis rati, pocula oblata in testimonium integritatis & studiorum suorum erga Regem fratru-
lem su-

lem suum, Reginam & filios eorum exhaurirent omnes. Quo momento cum intuerentur Popielum arctiori somno, quem ipse quidem simulabat, complecti, discedunt, in ipsoq; discessu, veneno peruagante ac inflammante, corruunt & extinguuntur omnes, quo facto conscelarata mulier clamore edito prosiluit, Deos hominesq; contestans, eos iustissima vindicta, tam repente occidisse, ut qui Regi filijsq; eius semper mala commoliebantur. Agit religiose dijs gratias, se regem prolemq; suam quod conseruatos voluerint, perfidosq; patruos, ex quibus non nisi exitium illos maneret, puniuerint. Iubet eos insepultos iacere, qui ob perfidiam, iustamq; iram Deorum, & sepultura essent indigni. Fuit hic casus stupori, & admirationi omnibus, & hi praesertim in dolore & maestitia erant, quibus horum principum integritas vitae, & studia castissima erga regem domumq; eius perspecta suere. Interea Deus vindex scelerum, & integritatis innocentium conseruator, atrocissi-
N ma pœ-

ma poena dolos & fraudes hasce palam facit.
Mures è cadaueribus principum enascun-
tur insuetæ magnitudinis, qui denso agmi-
ne maximo cum stupore & terrore omnium
in regiam irrepunt, regem, reginam & illo-
rum liberos inuadunt, mordent & arrodunt
acrius, quàm ipsum toxicum viscera patruo-
rum arrodebat. Res portentosa visa omni-
bus. Rex simulato morbo excitus, furens
depellit serpentes ac grassantes per corpus
mures, hoc & regina fallaciarum magistra
conatur, omnibus eis & filiis opem ferenti-
bus. Cum verò vi maxima à muribus obside-
rentur, ipsa regia pauidi profugiunt in la-
cum proximum: Verum ut in terra, ita in
aquis desæuiunt mures atrocius. In conti-
nentem igitur tremebundi deducuntur, ignēq̃
circumcirca inflammant, quò in medio collo-
cati tuti esse possint. Sed nec ignis vindictæ
Dei quicquā obsistit, cum omnia elementa iræ
diuinæ in fontes suum præbeant obsequium,
quare desperata salute, eneruati & exagres-
siterum

iterum arcem petunt, ubi sese quocunq̃ pos-
sunt occulant, obtegūtq̃, quos mures iam li-
berè grassantes, immani morfu, nullis mem-
bris & ossibus relictis, exederunt omnes. Sic
Popielus & uxor multa patrans flagitia
impunè, in extremum malum adducuntur, se-
melq̃ dependunt superiora flagitia. **DEVS**
certè per minuta animantia punire consuevit
consceleratorum immania scelera. Exempla
huius quædam extant. **Ægyptus** pediculis Exodi 8.
à **DEO** immissis seuerè fuit afflicta. Quem-
admodum ob captam arcam illam sacrosan-
ctam, ingentem copiam murium excitarat
Deus, per quas agros & segetes **Asotiorum** 1. Reg. 4
vastauerat. **Pherecidem Philosophum** ob
insolentiam & in **DEOS** impietatem, scri-
bit **Ælianus**, à pediculis fuisse consumptum. Ælianus
Assyriorum arma ob blasphemiam in verum lib. 4. & 6.
Israëlitarum **DEVM**, mures quoque cor-de varia
roserant. **HATTO** etiam **Mogunti-**histori.
nensis Episcopus, cum dominante fame paupe-Herodot.
res plurimos, quos dicebat ad instar murium lib. 2.
absume-Iosephus
1. 10. c. 2.


Factuano
Chr. 914.
Munster
lib. 3. in
Cosmo:
graphia.

Cōradus
Lycostei,
nes de pro
digijs, pa.
364.

*absumere frumenta, conclusos in horreo exu-
sisset, à muribus in turri in medio Rheni cō-
structa corrosus esse dicitur. Hoc etiam factū
ferunt de Vulderolpho quodam Argentinēsi
Episcopo, qui arcano DEI iudicio, à muri-
bus anno sui Episcopatus xvij. post consecra-
tum monasterium Seltziense ad Rhenum si-
tum corrosus est. Quibus omnibus docetur,
magnarum iniuriarum magnas esse à DEO
Ultiones.*

PIAST TREDECIMVS REX POLONIÆ.

Electio re-
gis, diffi-
cilis & pe-
riculosa.

 *VALIS status regni post tam fu-
nestum interitum Populi fuerit, fa-
cile conijcere est, fuisse acerbissimum turbu-
lentissimumq̃, cum tota Polonia & ex tanto
scelere in regno, per regem reginamq̃ edito,
& ex perterritosa illorum pana, supra modum
stuperet tremereq̃, nec tam insolitum culpæ
& panæ exemplum procius magnitudine &
atrocitate demirari satis potuerit. Accessit
difficul-*

*difficultas eligēdi noui regis, cui nullo pacto
ob diuersa multorum studia, & immodera-
tam ambitionem, quæ eo tempore, magis quam
vquam alias exarserat, satisfacere potue-
rant. Interemptorum principum filij gregi-
bus amicorum stipati, iure quodam naturali,
regnum sibi vendicabant, in quo cum perti-
naciter agerent, multum negocij omnibus fa-
cescebant. Alij potentes, quibus in magnitu-
dine animi cupiditas principatus innascitur,
illud palam affectabant, cuius ambitionis cum
nullum modum facerent, iurgijs tantum tem-
pus comitiorum terebant, & cum contentio-
nibus assiduis ingrauescentibus nihil transi-
gi potuit, soluto conuentu discedunt omnes.
Quo tempore Poloni infesti partibus, re-
gnum partim hostilibus, partim domesticis ac
intestinis malis pressum, ac vix non euersum
habebant, nec dabatur ab his aliqua respiran-
di potestas. Propterea videntes passim ruerē
& deflagrare omnia, ne extrema illos pati
fuerit necesse, iterum concilium conuocant.*

N ij

Crusui-

Crusiciamq, solennem in locum cōfluunt, & quidem maiori concursu quā antea, undiq, se hominibus effundentibus. Sed non minus maximis difficultatibus inuoluuntur, cum quisq, suae dignitati studeret, cedereq, loco cuiquā nollet. Urgebāt principes Pomeraniae ius suum, & hac praerogatiua quisq, principatum occupare summa ope nitebatur. Quorum tamen parua vel nulla prorsus ratio inter ordines habita est, ob genus quo sati fuerit adulterinum: turpē ac indignum iudicantes, hominem malo genere natū, ingenuis imperare debere. Et cum his nullam spem principatus relinquerent, ipsi etiam inter se acerbissimis odijs & inuidia decertantes, sui corporis & ordinis viro nulli imperium deferre ultro & liberē volebant. In quo cum multum tempus traduxissent, necessarijs ad victum rebus plurimum laborabant, iamq, re infecta abscessissent, ut ante, nisi diuina quadam providentia homo illis fuisset monstratus, cui honorem regium demandarent.

Is erat

Is erat pius & honestus quidam ciuis in ipsa urbe Crusicza, agro colendo & mellificio victum quæritans, PIAstus dictus nomine, quod modiolum rotæ Polonis sonat. Erat enim corpore pleno, valido & stabili, statura breuiori, unde ob talem formam PIASTI nomen sortitus est. Contigit ut hic cum uxore sua Rzepicha dicta, diem natalium pro more gentili sui filij Ziemouiti agens, conuiuium vicinos suos exciperet: quo tempore ferunt duos hospites habitu peregrino ad eum diuertisse, quos hic PIAstus, qui fuit hospitalissimus & amicissimus hominum, perhumanissimē pro suis copijs acceptos hospitio, tractabat. Frequentissimē etiam alij ex conuentu quam plurimi emptum necessaria ad victum, eum adibant, quibus ille ea quæ potuit, non grauatim suppeditabat, cum alius in tota ciuitate, tanta bonitate & beneuolentia erga hospites affluens, non reperiēbatur, à quo humanitatem obtinere,

Ciuis ciuitatis Crusicæ in regem eligitur.

Piaſt quis fuit & hoc nomine cur dictus.

Vxor & eius nomen,

Piaſti hoſpitalitas,

Diuini
hospites
Piaſti.

obtinere, & cibaria nanciſci facile poſſent,
ſed cum iam minui ac extenuari penu ſuum
cerneret, hoſpitibus illis quibus utebatur ſa-
miliariffimè, domesticas ſuas difficultates &
anxietates exponit, regni ſimul infelicitatem
referens, quod tam diu deſtitutum rege, in-
numeris ſit attritum malis. Quodq; iam ſe-
cundo proceres & nobiles omnes conuentum
agerent, nec tam eſſent felices, vt regem e-
lectum habeant, & cum inopia rerum præ-
mantur, futurum eſt vt iterum rege non cre-
ato dilabantur, vnde maximã perniciem cum
calamitate illapſuram in omnes regni inco-
las, certum ſit. Ad quæ breuibus hoſpites
illi Piaſto reſpondent, cum eum bono animo
eſſe iubent, futurum vt ille ipſe paucis poſt
elapſis diebus populum hunc gubernaturus
ſit, omnibusq; adhuc victũ abundantem præ-
biturus. Quo cum ille tenuitati ſuæ illudi-
diceret, illi affirmant eo rem certo deuentu-
ram, ad cuius teſtimonium miraculo hoc fidem
faciunt, cum illi carnes porcinas & muſum
non

vaticiniũ
horũ Pia-
ſtum Re-
gem Po-
loniæ ſu-
turum.

non defeſſura eſſe dicunt, etiam ſi illa ad fru-
endum cuius affatim largiatur, quod & fa-
ctum eſt: accurrentibus enim innumeris, Pia-
ſtus illa abſq; omni imminutione promebat da-
batq;, ita vt omnes mirarentur vnde illi tan-
ta ſuppeteret copia, qua tantam multitudi-
nem hominum ſuſtenteret. Et cum didiciſſent
ſieri miraculo quodam, virum ſuſpiciunt, di-
uinam in eo virtutem ſpectantes, quod dijs cu-
ræ ſit, ſignumq; capeſſunt, cum ſolio regio
dignum, qui iam regis munus exequutus ſit,
ſua beneficentia conuentum talem hominum
reficiens. Omnes itaq; alium non exſpectan-
dum eſſe cenſent, in hunc vota conferunt
ſua, regemq; declarant, & in regiam ab a-
gro, licet inuitũ ac reluſtantem pertrahunt.
Credibile eſt illos duos hoſpites bonos genios
ſuiſſe, quos Deus periclitanti ac ruenti regno
in ſubſidium miſerat, vt ipſe Polonis afflictis
& fluctuantibus regem decerneret, non qui
longam generis ſeriem præferret, vel maio-
rum imagines oſtendat, ſed qui morum pro-
bitatẽ,

Dapes Pi-
aſti quibz
in electio-
ne Regis
magnates
& nobiles
ſuſtenta-
bat.

Piaſti Re-
gis Polon-
iae admi-
niſtratio
regni ſe-
lix & vere
regia.

bitate, modestia, vitæ innocentia, beneficen-
tiâ præcelleret. Cum itaq; talibus omni-
bus virtutibus virum hunc conſpiciendum
in principatum Poloni euexiſſent, animis in-
feſtis & exacerbatis principes Pomeraniæ,
Popieli ſenioris nepotes, ex conuentu auolant
omnes, eò quòd hominem plebeium agrico-
lam, Poloni digniorẽ tanto faſtigio iſſis iudi-
caſſent, cuius electionem ſe nec probare, nec
regno amplius ſubeſſe velle teſtabatur. Ipſe
verò Piaſtus prouinciâ tam auguſtiſſimâ ma-
xima cû religione amplexus, & in alium virũ
mutatus, regis optimi indiſtriæ ac feliciſſimi
partes obibat, Poloni omnibus eũ magis ac
magis, cum ſumma beneuolentia, fide, obedi-
entia & honore, atq; adeò omnibus offitijs
proſequẽtibus. Regiam in quonomen Poloniũ
parricidijs Popieli contaminatum videbat,
Cruciſicia trãſtulit Gneſnam, eo etiam nomine
potiſſimum, vt ex loco viciniore rebelles &
deſertores Pomeranos, iterũ ad obedientiam
reducere eſſet paratior: quod quidem præſta-
re haud

re haud potuit, eò quòd ab eius imperio abhor-
rebant, à regnoq; animũ ſemper auerſum alie-
numq; habebant, uſq; ad tempora Boleslai ma-
gni, à quo regno Poloniæ iterum inſerti ſunt.
In alijs tamen omnibus quæ regno utiles ac
ſalutares erant, fuit feliciſſimus, ita vt ſa-
mam nominis ſui, non tantũ per totam Po-
loniam, ſed & per finitimas & exteras quasq;
regiones longè & latè impleret. Vixit 120.
annos, tantum curriculum vitæ conficiens,
& dimidium ferme horum annorum regnans.
Recedens à vita, filium vnicum Ziemouitũ
habuit, per quem maximam ſeriem generofiſ-
ſimæ ſtirpis ab anno 861. Chriſti, uſq; ad hæc
noſtra tempora, quæ anno 1596. inſcribun-
tur, proſeminatam reliquit, utpote Reges o-
mnes uſque ad Caſimirum Magnum, filium
Uladislai Lokietek, regis Poloniæ. Ex qui-
bus ſuperſunt adhuc familiæ illuſtriſſimæ in
vicina Sileſia. Inprimis familia inclyta du-
cis IOACHIMI, principis Lignicenſis,
Brigenſis, Olaienſis, Præpoſiti Magde-
burgenſis,
Oij

burgensis. Deinde familia Caroli principis
 Illustris. Olesnicensis, in Muftemberg ad Elfen in Si-
 de sterpe lesia, Comes in Glocz, principes clarissimi,
 Piaſti Re omni genere virtutū laudatiſſimi, opibus &
 lesia, copijs affluentes, genti Polonæ ſemper addi-
 tiſſimi. Qui nunc, cū ſingulari Dei bene-
 dictione veterum Regum Poloniae ſemina-
 rium retineant, digniſſimi ſunt, quos Poloni
 omnes ſummis officijs & honoribus proſequā-
 tur. Deinde etiam aliæ reliquæ apud nos
 Polonos etiamnum extabant, nimirum ma-
 gnifici Domini Iohannis Koſtka à Stangen-
 bergk, Palatini Sendomiriensis, terrarum
 Prusiæ Theſaurarij viri præclarissimi &
 ſenatoris integerrimi, tēpore etiam interegni
 moratio, in electione Regis candidati Primarij ab o-
 mnibus ordinibus declarati, iam vita fuſti,
 uxor honeſtiſſima demortua, nata ex Anna
 Comradi ducis Mazouiae filia, Stanislai O-
 drowaſi Palatini Ruſſiæ, uxore. Quæ qui-
 dem virgo exiſtens moribus & ætate excel-
 lens, Iohanni Comiti de Tarnow, Caſtellano
 Woini-

Woinicienſi primo nupſerat, quo ſine liberis
 decedente de vita, illa relictæ vidua, illi præ-
 ſtanti viro Domino Iohanni Koſtce, Pala-
 tino Sendomiriensi, iterum connubio iuncta
 erat, propagines nobiliſſimas illi proferens,
 quæ Dei beneficio ſuperſunt in viuis duæ fi-
 liae iunctæ matrimonio, viris genere clariſſi-
 mis & illuſtriſſimis: Maior natu Anna, Ale-
 xandro, principi Oſtroziensi, Palatino Vo-
 linenſi. Altera Catharina, Adamo Sieni-
 awski, Palatini Ruſſiæ, ob ſtirpem hanc
 clariſſimam & copulam coniugij præſtantiem,
 dignæ perenni memoria.

Piaſti res
 giſ Polos
 niæ proge-
 nies hodi-
 erna apud
 Polonos,

ZIEMOVITVS QVAR- TVS ET DECIMVS REX POLONIÆ.

OSTEAquam Piaſto defuncto, mō-
 re Regio iuſta magnificè procures
 Poloni feciſſent, inſignibus regijs, Ziemoui-
 tum eius filium exornarunt. Eius enim viri
 ſingula-

Filius Pia-
 ſti in regi-
 num patri
 ſuccedit,

Ziemoui
tus nō de
gēra i Pi
astō patre
optime re
gnūm Po
loniē ad
ministrat.

Ziemoui
ti gesta.

singularis tum virtus & industria in omnibus laboribus periculisq̃, tum modestia fuerat antea superstitē patre in omnibus grauissimis regni negotijs cognita & spectata. Hūc enim Piaſtus iam etate & viribus exhaustus, im-
perio dignū accōmodatūq̃ pōst se relinquere cogitās, regijs laboribus præſciebat ſemper, cum eum magiſtrū equitū crearet, eiq̃ maiorum vigiliarū munera cum in bello tum pacis tēpore, in Repub. adminiſtrāda demandaret, quæ ille vir ad omnes labores natus & affuefactus, magna animi contentione, acri cura & vigilātia, ſucceſſu ſēper dexterrimo, ſuis ceruicibus ſuſtinebat, ita vt tali ſtudio, beneuolentiam & gratitudinem omnium facile alliceret contraheretq̃. Huic igitur imperium libenter Poloni omnes dederunt, cuius clemē-
tiam, liberalitatē & animi magnitudinē iam erant experti. Qui ſane cum habenas regni teneret, nihil vnquam ſibi reliqui fecit, quod ad eorum promerendum amorem pertineret. Multa tunc adhuc cum finitimis hoſtibus cer-
tamina

amina conficienda illi reſtabant, qui tempore Popieli ignaui à regno ditiones quaſdam auulſerant, quos antequā aggredi eum oporteret, domeſtica regni negotia componebat. Ac imprimis ne milites otio remolleſcerent, certamina bellica propoſuit, quò tarquam in paleſtra aſſueſcerēt omnes arma tractare, eaq̃ pro ſalute cōmmuni contra hoſtem capere. Ideoq̃ militem habens armis agitatū exercitūq̃, facile hoſtes proſligabat, Pannones præſertim & Prutenos, quos bello victos ſub iugum miſerat. Pomeranos etiam rebelles aggreſſus eſt, quibus cum aliquoties con-
flixit, & eos tributa pendere cōēgit, quos ad extremum, licet natura locorum paulūm ferme inexpugnabiles, in ſuam ditionem rede-
giſſet, niſi morte immatura eſſet abſumptus. Rebus itaq̃ præclarē feliciterq̃ geſtis, mor-
tuus eſt Gneſnæ regia in vrbe, imperij ſui anno trigeſimo ſecundo, filio vnico Leſcone, huius nominis quarto, relicto.

Militū ml
litaria ex
ercitia.

Mors &
vitæ finis.

LESCVS

LESCVS QVARTVS

QVINDECIMVS POLONIÆ

REX.



Lesco Piz-
asti nepos
rex decla-
ratus.

Guberna-
tores Le-
sci in re-
gno admi-
nistrando

RAT tum Lesco filius defuncti Ze-
mouiti, adolescens ætate, regno ad-
ministrando immaturus, quem tamen communis
suffragio Poloni imperio destinant, cum pro-
pter maiorum eius præclara in Rempub. Po-
lonam studia, quæ semper memoriam apud
gentem Polonam immortalem obtinebant.
tum quod adolescentis indoles, regias virtu-
tes imperio dignas, nõ obscure præseferbat,
Vnde tali stirpe satum dignissimum esse statu-
ebant, cui paternum solium offerendum ac
subiciendum iudicarent. Quo factò guber-
natores, viros iudicio & rerum cognitione
grauissimos deligunt, qui pubertatem eius o-
ptimis consilijs & disciplinis excolerent, ne
post Phaëtonis in morem, ut dici solet,
gubernacula imperij capeffat tractetq, i-
psiq, hætenus ex sententia consilij sui, nomine
regis iuuenis, negotia regni obeant, quoad

Rex

Rex adolescentiæ suæ metas egressus, &
viriliter agere & Rempub. tenere queat.
Et erant quidem eo tempore multa eademq,
grauissima in regno negotia, quæ curatorum
magnum studium, multamq, operam require-
bant, Maxime verò bellum illud, cum Cas-
subijs, Sclauis & alijs Cismarinis populis, à
Semouito patre rege mortuo commotum, quod
confirmare & continuare ipsa regni existi-
matio impellebat. Verum iidem administra-
tores illud prorsus à se & humeris suis reie-
cerunt, contenti vigilijs & studijs, quæ prin-
cipi iuueni informando ac excolendo impen-
dère. Vnde etiam Rex ipse legitimam æta-
tem ingressus, regnum a patre relictum, inte-
grum à custodibus & moderatoribus suis na-
ctus, ea moderatione administrauit, qua cõser-
uatum traditumq, accepit, nec Pomeranis mo-
lestus fuit, sorte sua contentus. Fuit igitur
vir probus, prudens, iustus & liberalis, pa-
ternarum virtutum studiosus, pro Republica
non secus ac pater animo semper excubans ac
P. vigilans

Vigilans, à militia tamen animum alienum gerens, tranquilla paci & tutae quieti magis quam rei bellicae, quae multarum sit in diarium, consulens, venationi pliusquam studio alicui operam dabat, tali oblectatione animi et requie curarum plurimum delectatus, Unde quodam tempore huic regi feras in venatione agenti, casus quidam exitu iucundus & insignis accidit, de quo paucis verbis referre necesse est. Ex hoc enim crigo stemmatis illustrissimae antiquissimaeque in gente Polona familiae, Comitum de Tenczin, processit, à viro quodam strenuo, & altos spiritus habente, qui regem hunc Leschum in venatione aberrantem, in molendino cui praeerat, & liberaliter & paulò seuerius, cum cibum oblatum capere renueret, excepit hunc in modum Agitabat

Origo
stemmatis
comitum
de Tenczin.

Lepida
narratio
de Leschi
venatione
& in
molam ex
errore in
cidente.

Rex excitatam feram magno feruore & virum impetu, ita ut à suis longissime aberrans inciderit in molam in profunda solitudine sitam. Hunc dominus molae oblatum quis sit agnouit, licet ipse Rex alium se, periculum aliquod

pra-

praeuens, simularet. Descendit tamen de equo, quem vir ille animo praesenti sumit talemque hospitem introducit, & cibum ac potum parari iubet. Quo facto strenue ac sollicitè suum officium exequitur, aquam manibus lauandis praebet, cibum apponit, monet ut accumbat, & ut comedat, rogat, sitque bono animo. Rex veritus ne agnitus in aliquod periculum incidat, alium se esse fingit: proptereaque cum modestia & cunctatione molae Domino morem gerit. Quod cum ille videt, data opera seuerius in eum inuehitur, & docet, domino domus esse obediendum, faciendumque ea quae sint cuius necessaria. Ibi Rex quodammodo castigatus, alacrius obtemperat, & cibum sine caeremonijs, ut dicitur, sumit. Post rogat ut ei in ciuitatem viam commonstret, se enim de via publica deflexisse, nec scire qua iter aggrrediendum esset: quod vir ille libenter se facturum dicit, & quidem eo animo, quòdeum ipse tutò deducere velit. Instruit itaque suos famulos domesticis armis, & hospitem conscen-

Excepia
tur à mo
le Doño.
viro stren
uo.

Monetur
dño. dom.
obediēdi
esse.

P ij

dere

Officia
circa Re-
gem Le-
scum.

dere equum iubet, se non solum viam rectam demonstraturum, sed eum deducturum, quo sine ullo periculo & errore ad sua remearet. Rex itaq; cogitabundus famulatio hoc utitur, sed vir ille alacri & prompto animo eū præcurrit, omnia officia probi ducis exequens. Qui cum ex sylua illa densissima in campum descendissent, offerunt se regis aulici, qui regem amissum hinc & inde quærebant, quos cū ductor ille conspexisset, regem compellat: En illi tui sunt famuli, quibus te regem nostrum trado, memineris in posterum cautius venari & feras insequi, ne tibi aberranti aliquid mali eueniat, ex quo postea tali regno detrimentum aliquod ingens corfletur. Rex auditis hisce, miratur hominis ingenium & probitatē luculentam, accurrete suo comitatu, agit quidem homini tam cordato gratias pro beneficiis eum tamen pro die sequenti ad epulas suas quoque inuitat, ad quas se venturum ille sine omni tergiversatione pollicetur. Interrea Rex aulicis suis omnem suum in venatione errorem recenset,

recenset, exponitq; quo pacto ab hospite in quē inciderat exceptus fuerit, præsertim verba illa, Domino domus obediendum esse, quibus castigatus ab hospite fuit, enarrat: commemorans & laudibus vehens maximis viri huius maximum probum ac fidelem animum, quo sit in eius mola & in ipso itinere usus: cogitandūq; esse dicebat, ne tam insigni probitate vir, neglectus esse videatur, in quo beneficia gratitudinis regiae in illo memoriae sempiternae ergo non extarent. Sed tamen iuxta verba eius, Domino domus obediendum esse, curandū ut vicissim illi lepidè referatur. Quare ita omnes instruit, & præcipuè quibus officium præbendæ ad lauandū aquæ, reliquaq; ad nesciam munia incumbebant, ut venienti honorem omnem exquisitè exhibeant, aquam ad abludum manus offerant, honoratiorem locum capere iubeant, cibum porrigant, ut si forte aliquid horum liberè agere caperēq; recusarit, eum etiam Rex moneat, Domino domus obediendum esse. Hæc itaq; cum essent conclusa in a-

P ij

Molæ do-
minus re-
gis conui-
ua.

Molæ do-
minus in
aula regis
aulicus.

sa in animo regis maximo cum viri huius de-
siderio, venit hic bonus vir comitatus famulo
in aulam regis, securim manu gestans. Quem
excipiunt omnes decenti honore, ad regemq;
deducunt. In cuius conspectum cum ille ve-
nisset, decorum omne seruauit, regi q; officium
debitum cum magna animi submissione, graui
& liberali vultu præstitit. Adferuntur
fercula, & aqua lauandis manibus offertur,
qua ille liberè à purpuratis utebatur. Iu-
betur ac umbere mensæ in loco honoratio-
re, & hoc recusat minimè. Offertur illi ci-
bus, & reliqua ad fruendum splendido hono-
re exhibentur, quæ etiam ille sine recusa-
tione boni consulit, nec quicquid abnuuit, recu-
satq;, quod regis voluntate fieri videt. Rex
ista omnia diligenter obseruabat, & cum li-
beraliter ac de industria animaduertit hospi-
tem suum agere, causam facilem non habet,
ut ei par pari referat. Interrogat tamen
quo animo accipiat regias dapes. Et cum
responderet, sibi eas optimè sapere, Rex
pruden-

prudentiâ ac industriam eius collaudat, quod
Domino domus sit obediens, se enim eum vi-
dere ea omnia promptè facere, quæ illi sunt
necessaria. Ibi hospes pro suo ingenio quo-
dammodo perculsus, reuocat in memcriâ, hæc
sua verba fuisse, quibus regem in domo sua
non aequè obedientem perstrinxerat, quare
erat regem, vitio non vertat, se enim dixisse
quæ vera sunt, propterea etiam se ipsum &
apud Regiam maiestatem, cui à subditis obe-
diētia maxime debetur, necessariò omnia quæ
iubentur, facere. Verum Rex & hoc re-
sponso plurimum delectatus, curia se in eo
cum laude agnoscere, ei q; pro beneficio pre-
stito adhuc gratias agere, dicebat. Quodq;
vicissim sit regio beneficio dignus, in ordi-
nem procerum eum adlegat, cum tota demo-
psteritateq; eius omni. Insigne illi donat,
securim lingua nostra Polonica, Topcr, dictâ,
eò quod seueritatem disciplinæ in domo eius
ab eo seruatam probè ipse conspexisset.
Fortunas quoq; amplissimas ei contulit, quo
opibus

Antiqui-
tas fami-
liae de Tē-
czin.

opibus & copijs instructo, Rex eo in negotijs
Reipub: uti possit. Quo quidē beneficio vir-
tam insignis ornatus à Rege, ita se gessit, ut
regi se per Regnūq; dignissimus utilisimūq;
fuerit: eiusq; posteritas talia studia & merita
in prouehenda Repub. ediderat, quæ omne
ad tempus intemeratæ existimationis, apud o-
mnes domi & foris fuere. Nec aliam à Re-
gni Polonici memoria, vetustiore gens Po-
lona habet familiā quæ simul cum stirpe Pia-
sti regis antiquissimi Polonici, continua inter-
ruptaque serie in utroq; sexu, ad instar sege-
tis uberrimæ fecundissimæq; huc usq; accre-
uisset: splendido nomine, factis splendidis, non
solum apud populares suos, sed & apud quos-
uis exteros propagato, cum semper inclyta
hæc familia profeminauerit tales generosissi-
mos heroes, qui Reipubli. Polonæ cum flo-
renti tū collabenti suam indefessam nauabant
operam, magistratu insigni, maximo Reipub.
cum fructu & laude gentis suæ abundante
fungentes. Credibile est autem illum molæ
dominum

dominum Lesconis Regis delicias, honestum
& militarem virum fuisse, moribus optimis
& rerum cognitione præstanti præditum, qui
& domum suam rectè gubernare potuit, ha-
buitq; molā publicæ necessitatis causa. Qua-
rum molarum certè peculiarem semper curam
habuisse Deum legimus, ex eo quod eas Mo-
ses ex Dei oraculo, noluit ullo pignoris ne-
xu teneri. Qua itaq; re familiari vir ille de-
lectatus est, quemadmodum legimus homines
militares, priscis illis temporibus non turpi
ocio, nec luxui, sed honesto labori cessante
militia, incubuisse, ut de Przemislao aurifa-
bro, qui post in regem fuit electus, legimus.
Sic de Lescone cursore, de Piaſto item agri-
cola post præclarissimo Polonorum Rege,
qui omnes in fastigium regium euecti, stupen-
dis factis inclaruerunt, posteritatisq; numero-
sissimæ ac illustrissimarum familiarum auto-
res extiterunt. Quod quidem in regno quo-
uis ab hominum memoria factum fuisse vide-
mus. L. Quintius Cincinnatus dictator est factus

Liv. lib. 3.
pag. 83.

Eutro. lib. 1. pag. 13. *factus Romæ, qui agrum quatuor saltem iu-
 gerum possidens, manibus suis colebat. Sed
 Ælianus in sua historia talia multa profert e-
 xempla, profert Lluus, Eutropius, & alij
 quàm plurimi, qui maximi nominis familias
 descripsere. Et hoc est consideratione digni-
 ssimū, quod excellentissimæ familiæ habuerūt
 tenuia quædā sua primordia, Sic Adam ex
 terra, ex Adamo verò genus processit huma-
 nū. Ut enim ex riuus tenuissimis vastissima &
 nobilissima promanāt ac exundāt flumina, ita
 familiæ generosissimæ tenuioribus iactis ra-
 dicibus, propagines vsq; ad fastigiū excelsi-
 ssimas producunt. Ut euident exemplum
 habemus in hac illustrissima amplissimaq; fa-
 milia, quæ ita egit radices & propagabatur,
 donec ad quendam maximi nominis virum,
 Iohānes de Tenczin, dictum ob singularem modesti-
 am & candorem lingua nostra Owieczka,
 Palatinum Cracouiensem, idq; temporibus
 Vladislai Loktici Regis Poloniae, perueniret,
 & mirum*

Maxime
 familiæ se
 phabebāt
 tenuia sua
 primor-
 dia.

Iohānes
 de Tenczin
 ouieczka
 dictus, &
 eius poste-
 ritas.

& mirum in modum aucta est. Hic enim pro-
 genuerat duos filios, Iohannē & Andreā,
 Iohannes verò sex filios, à quibus magnum
 mare præstantissimarum familiarum in hoc
 regno exundauit, tam masculi quàm feminei
 seminis. Vnus ex his sex filiis Nicolaus fu-
 it Dominus de Tenczin, qui suscepit filium
 Iohannem, Palatinum Sendomiriensem, qui
 vir fuit altus & excellens, ex quo nata est
 filia Zophiare & nomine, virgo excellenti-
 ssimis dotibus decorata, quæ post collocata
 fuit in matrimonium heroi clarissimo præ-
 stantissimoq; Domino Stanislao Comiti de O-
 strorog, Castellano Miedzirecensi, cui duos
 filios procreauit, Iohannem & Nicolaum,
 imagines animi paterni, Comites de Ostrorog,
 qui iam DEI beneficio in viuis sunt, & glo-
 riam ac decus, suis studiis ac meritis, non mo-
 dō domui suæ antiquissimæ, ac omni laude a-
 bundante, sed & Reipub. Regni, promouēt.
 Fuit verò hac heroina post mortem mariti tam
 dignissimi relictæ Vidua, prudentia autorita-
 te viri.

Stanisla-
 us Comes
 de Ostros-
 rog, Cas-
 tellanus
 Miedzire-
 censi eiusq;
 vxor mu-
 lier fortis
 & vtri-
 usq; poste-
 ritas.

24

se viri


Grego.
ri Nisse-
nus in o-
ratione fu-
nebris de
Placilla.
Pag. 373.

1. Petri
cap. 1.

te virili, & summa in rebus agendis dexte-
ritate, pietate, sanctitate, gravitate prædita,
corona domus suæ splendidissima, de qua hoc
verè dici potest & debet semper, quod de
Placilla Theodosij uxore Gregorius Nis-
senus scripsisse legitur. Quod fuerit ornamē-
tum imperij, iustitiæ gubernaculum, humani-
tatis imago, maritalis amoris figura, Zelus f-
dei, columna veræ Ecclesiæ, pauperum divi-
tiæ. Certè mulier fortis, cuius nomen vivat
à generatione ad generationem, sapientiam e-
ius narrent populi, & laudem eius Ecclesiæ:
mulier enim timens Deum laudabitur. Idq;
& eo nomine potissimum, quod transsit de la-
bore ad refrigerium, de expectatione ad præ-
mium, de agone ad brauiū, de morte ad vitam,
de fide ad notitiā, de peregrinatione ad qui-
etem, de mundi huius exilio ad veram patri-
am: iuxta Divi Apostoli verba, reportans
finem fidei suæ, salutem animæ suæ. Quod ve-
ro reliquos illos quinque filios familiæ tam illu-
strissimæ concernit, ex illis viri alij maximi
nominis,

nominis, et feminae aliæ laude dignissimæ pro
seminatæ sunt, ex quibus seminarium uber-
rimum familiarū maximarū profluxit. Quod
argumento est illa totius POLONIAE contra
Kieistutum Lituaniæ & Georgiū Belzensem
duces, tempore Ludovici Regis, expeditio:
in qua huius familiæ, quæ securim, lingua
nostra Topor, pro insigni habet, septem ve-
xilla prætulisse legimus. Adeo hæc insi-
gnis familia creuerat, eratq; viribus potens,
tantam multitudinem bellatorum in defensio-
nē patriæ suppeditās. Sed redeamus ad illud
unde diuertimus, nēpè quod reliquum de hoc
rege Lescone proditum habemus, illud est.
Cum in multam ætatem vixisset, regno felici-
ter & pacificè administrante, decessit de vi-
ta, filio adulto Zemomislo relicto, anno refor-
mati mundi, ut tradunt, 906.

Crome-
rus de ge-
stis Polo-
norū lib.
13. p. 225



2 ij.

ZIE-

ZIEMOMISLAUS
DECIMVSSEXTVS POLO-
NORVM REX.

Ziemomislau-
s dignissim-
us in regno
patri suc-
cessor.

Afflictio
eius do-
lestica.

Filius ex
eo ei nasci-
tur.

NON absimilis Patri Lesconi Zie-
momislauus in successione regni fuit,
cū eiusdem quietis studiosus, cui pater prae-
cipuē indulserat, vitam omni genere virtu-
tum ornatissimam traduxerit. Nec illi in ta-
li sedata ac pacata administratione regni,
quicquam ad benē beateq; viuendum defuisse
videbatur, prāter quod multo tempore vitā
suae, connubium suum infecundum habuit,
unde cupidissimus successoris legitimi thori,
vehemēter hac sterilitate excruciabatur. Et
cū postea impraegnata uxor caecum ei filiū
esset enixa, iterum magis ac magis in eundem
dolorem relapsus; sese suamq; fortunam ac-
cusabat, quod primo sterilitate ipsa vexatus
satis superq; afflētus fuerit, iam verō multo
gravius affligatur, fatum quod prāter spem
& naturae & conditionis, utilitatisq; cōmu-
nis, acceperit. Auctum insuper malum illi,
uxore

uxorē uno hoc fatū edito sterili permanēte,
in quo nec opes, nec regni splēdor dolorē hunc
illi leuare potuit, cū se tali vitā oblectamēto
destitutū esse videret. Nutritur tamen foue-
turq; infans diligētius, ob venustatē corporis
& quandā quae illi inerat, generosam indolē,
spem aliquā recuperandi ab eo visū cōcipien-
tes, in qua quidē haud frustrati sunt Mos fuit
gentili cōsuetudine Polonis primā annorū se-
ptimanā, qua aetas prima infantiae absolueba-
tur, solēni cōuiuio & ritu peculiari celebra-
re. Sciebant enim homines illi cuiuslibet vi-
tam septē tēporibus cōtineri, utpote infantia
vsq; ad pueritiam, pueritia vsq; ad adolescen-
tiam, adolescentia vsq; ad iuuentutē, iuuentute
vsq; ad virilitatē, virilitate vsq; ad senectutē,
senectute vsq; ad decrepitam aetate. Quae tē-
pora septēnio dimetientes vsq; ad aetatem de-
crepitam, cui reliquum, quodcūq; supererat,
temporis tribuebāt, quod Galiae gentes apud
quas studiū Philosophiae auro preciosius erat,
religiosē obseruarūt, quod ex his elegijs So-
lonis videre est.

Polonios
rum Mos,
primā aē-
rum septi-
manā, so-
lēni cōuiu-
io cele-
brandi.

Infans

Clemens
Alexand.
drin. lib.
6. Stoma-
ch. p. 317.
ex Solos-
ne-

Infans septenos postquam compleuerit annos
Producti dentes vallus ut oris erant.
Postquam septē alios Deus huic cōcesserit annos
Fit pubes, semenq; huic genitale datur
Verum septē alijs postquam annis creuerit ætas,
Densa seges barbæ contegit orta genas
Additus est illi cum septenarius alter
Vir tum virtutis fortia signa dabit,
Sed monet adueniens uxorem ducere quintus,
Posteritatis & hunc tum meminisse suæ,
Solers ingenium, firma & prudentia sexto est,
Stulta nec hoc deinceps facta videre iuuat,
Septimus accessit cum septenarius, atq;
Octauus, lingua pollet & ingenio, (illo
Nono aliquid possunt, sed iam minuuntur in
Vires, quis peragunt fortia facta viri.
Sed decimus cum alios septem perfecit annos,
Maturam mortem tristia fata dabunt.

Observa-
tio, septes-
narij Po-
lonis solē-
nis.

*Ad eundē modum quoq; Poloni prisca, hunc
septenarium, ex doctrina & traditione maio-
rum suorum maximi faciebant, ita ut primum
ab infantia elapsū, quo ex alteratione nece-
ssitudineq; quadam corporis, dentes pueris e-
labi solent, consuevere celebritate solenni o-
bire. Eo enim tempore, pueros alterum septē-
nium at-*

*nium attingentes sacramento quodam initia-
bant, cum eorum capillos primos ab ipsa na-
tuitate enatos abradebant, & illis noua no-
mina imponebant, multis qui præsencia sua
tam solennem actum condecorarent, ad epulas
inuitantes. Quia igitur consuetudine Rex,
cum filius eius cæcus ex sua excessisset infan-
tia, accitis multis Gnesnam proceribus ma-
gnatibusq; Regni, diem abradendi & nuncu-
pandi filij huius instituit, non quidem admo-
dum hilari, quem ex suo consueto dolore ge-
rebat animo. Cum itaq; adferretur puer ritu
huiusmodi lustrandus innouandusq; in medium
frequentissimi conuentus, ecce in ipso momen-
to aperiuntur illi oculi, caputq; derepentē cō-
tueri omnes puer ille. Quod cum regina
animaduertisset, incredibile dictu quam læ-
titiā conceperit, quoq; gaudio perfusa pro-
siluerit cum puero, nunciatum eius visum.
Unde altissimo facto silentio, rex & proce-
res attoniti stupentesq; omnibus lætitijs com-
pleti, clamorem ad sydera tollunt, dijs toto*

R *animo*

Mos abra-
dendi co-
mā ab ina-
fantia in
primo se-
ptenario
Polonis
in gentis
lismo vsu-
tatus.

Puer à na-
tura cec-
in lustra-
tione an-
no septis-
mo visum
recipit mi-
raculosē.

animo tam inauditum oculorum cōtuitum ac-
 ceptum ferentes. Et quidem rex conspecto fi-
 lio perspicacissimis oculis lustrante & sibi
 applaudente, miraculo hoc beatum se iam
 esse agnoscit. Magnates & reliqui omnes
 conuiuæ, omneq; reliquum vulgus regi &
 reginæ congratulabantur. Sacrifici & alij
 aruspices, quibus abradendi pueri negocium
 incumbibat, hanc illuminationem pueri feli-
 cissime interpretabantur, nempe exoriturum
 tale aliquod præstantissimum lumen, quo re-
 gnante hoc regis filio, gens Polona summum
 sit consecutura bonum. Quo factō, innoua-
 tur puer tam felix faustusq; illa tonsura
 capillorum, & nomen ei ex præsentī omīne
 Mieczslaw imponitur, quasi dicas, gladius
 magnæ famæ, quod olim ille gladio illustrem
 laudem Reipub. Polonæ sit paraturus. Ritu
 hoc peractō, omnes se dant iucunditati, ipso
 rege summa lætitiæ signa præbente, & in o-
 mnes ingentem liberalitatem ac munificen-
 tiam exercente, ita ut illum septenarium
 filij

Mieczsla
 uinomi-
 nis inter-
 pretatio.

filij eius, omnes sacrosanctum memoriaq; sem-
 piterna dignissimum statuerent. Postea per-
 actis huiusmodi solennibus, puero diligentius
 custodiendo & educando, rex fidißimos cu-
 stodes ac moderatores præficit, quem quidem
 in dies omnes virū quā puerum summa cum
 eius expectatione exoptabant. Tandem cū
 esset adultam ætatem consequutus, rex Zie-
 momislaus relicto eo in regno, Gnesnæ de vi-
 ta concessit, ibiq; anno incarnati Christi 962.
 Imperij vero sui 64. ad sepulturā datus est.
 Atq; hic erat rex postremus gentilis, post
 cuius mortem Polonorum oculi idolatria cæ-
 cati, luce salutaris Euangelij illustrari cæ-
 perunt, idq; viuente ac regnante hoc Mie-
 czslawo huius lucis euidentissimo præmon-
 stratore ac prænuncio, de quo antequam scri-
 bam de gentilismo Polonorum, pauca quæ-
 dam necessaria dicenda sunt, præsertim cū
 finito Ziemomislao ultimo rege gentili, lo-
 cus sit idoneus de ipsa religione Ethnica, Po-
 lonis tempore illo veteri consueta, aliqua ex-
 arandi.

R ij

DE

DE RELIGIONE PO- LONORVM GENTILI, QVÆ ET QVALIS FVERIT.

Religio
Polonorum
est prior
gentilis.

Deorum
multitudo
Xerxis
copias ex-
cedens.

NON est dubium, religionem anti-
quitus apud Polonos eandem fuisse,
quam & reliquæ gentes idolatricæ profite-
bantur. Hæ enim colebant DEOS quos
scribunt extitisse triginta millia numero:
Imò tam numerosissimam multitudinem,
quæ immensas illas Xerxis copias excederet,
ea nimirum fraude, quæ ab vnius veri DEI
cognitione cultuq; eius vero aberrabant,
Ægyptij præsertim, quibus sexaginta sex sa-
crificiorum genera in vso fuisse, vctustissimi
tradunt authores. Græci item, qui Ægyptios
in hac vanitate & superstitione imitati sunt.
Latini similiter, qui Deos Stateres, Torātes,
Feretrios, Geniales, Præstites, Indigetes,
Patrios, Tutelares, & alios habebant. A qui-
bus omnibus gens Polona, priscis illis tempo-
ribus, suas etiam idolatrias & superstitiones hau-

nes hauserat, à Græcis potissimum, quibus
antè maiores eorum cohabitabant. Idolatræ
igitur erāt Poloni, spurcissimo cultui damo-
num dediti, quos etiam varijs sacrificijs de-
merebantur. Delectum tamen tali in cultu
quendam seruabant, ut agnoscerent DEVM
quendam vnum, quem fulminis Deum voca-
bant, cui omnes alios DEOS subiiciebant.
Quem Deum vnum credibile est Polonos
Iouem putasse, cum teste Giraldo, omnes na-
tiones vniuersitatis rectorem Iouem existi-
mabant: ut enim anima corpus regit, ita Iu-
piter mundum, quemadmodum Procopius,
cum de superstitione Sclauorum scribit, talia
hæc in verba explicat. Sclauis lege cau-
tum est, & à suis maioribus proditum, inter
Deos aliquem vnum, qui fulminis sit fabrica-
tor, rerum omnium dominum ac solum esse, ut
credant, illiq; boues & hostias cæteras ma-
tēt, fortunam verò nec sciunt quidem, nec
aliās vim aliquam in homines habere, faten-
tur, sed postquam sibi, siue domi morbo cor-
reptis,

Poloni
Deū vñ
qui fulmi-
nis sit, De-
us cole-
bāt.

Giraldus
de Dñs
Syntag.
2 p. 70.

Procop.
Cæsarien.
lib. 3 de
bello Go-
thorum
pag. 149.

R ij

reptis,

reptis, siue in praelio cōstitutis, ē propinquus

Poloni mors imminet, iubentur quidem, si incolumes
Pro ani- fortē euaserint, Deo confestim pro anima sa-
ma in gē- crificium facere, unde quum primū mortis
tilismo, & illud sa-
sacrificiū ciebant,
vouchant & illud sa-

voto ac promissis absoluunt, & putant fermē
hoc pacto salutem sibi per sacrificia rede-
misse. Syluas præterea & Nymphas, hi co-
lunt, & dæmones alios, hisq; sacrificia pera-
gunt, & inter sacrificandum vaticinantur.

Helmold, Helmoldus qui Sclauicam historiam scripsit,
presbyter eadem etiam de hac idolomania gentis huius
chronicæ Sclauonicæ narrat, inquit. Est autem
Sclauorū Sclauis multiplex idolatriæ modus, non enim
pag. 182. omnes in eandem superstitionis consuetudi-
nem consentiunt. Hi enim simulachrorū ima-

Imagines
Polonor.
in gentili-
smo.

ginarias formas prætendunt de templis, ve-
luti Plunense idolū, cui nomen Podaga (Po-
goda verius) alij syluas, vel lucos inhabita-
bant, ut est Proue (Prawy verius) Deus
Aldenburg, quibus nullæ sunt effigies ex-
pressa. Multos & duobus, & tribus capi-
tibus

tibus exsculpunt. Inter multiformia verò
Deorum numina, quibus arua, syluas, tristi-
tias atq; voluptates attribuunt, non diffiten-
tur unum Deum in cælis, cæteris imperitā-
tem, illum præpotentem cœlestia tantum cu-
rare. Hos verò distributis officijs obsequētes,
de sanguine eius processisse, & vnūquemq; eò
præstantiorē, quò proximiorē illi Deo Deorū.
Quæ quidē omnia Albert. Crantzius eandem
Idololatriā astruēs, in sua enumerat Vādalia,
eadē omnino verba vsurpās, quib. & ipse Hel-
mold. in descriptione idololatriæ Sclauonicæ
vsus est. Ex quibus facile est cōiungere, Polo-
nos eandem idolatriā gentilismo regnāte, ex-
ercuisse, & quidem, ut in numero falsorū De-
orum, vnū quem fulminis Deum, cæli guber-
natorem præpotentem, omnibus alijs superio-
rem vocabant, agnoscerent. Quem nā credi-
bile est ipsum diabolum fuisse, qui vnus Dei
nomine cultūq; eius, genti huic supersticiosi-
simæ illudens, imponebat, ea sibi vendi-
cans, quæ sint veri DEI, creatoris totius vni-
uersi, propria. Et puto eundem DEVM

Albertus
Crantzius
in Vanda-
lia, lib. 4.
pag. 93.

Polonis
Ethnicis,
vnus Deus
quis.

Diaboli
fraus in ef-
figenda
& vnitatē
& veritate
Deitatis.

fuisse fulminis, quem Helmoldus etiam Proue
 vocat, hoc est, Prawy, e in i mutato, eò quòd
 quemadmodum unitatem, ita veritatem dei-
 tatis Diabolus sibi impudenter vendicabat.
 Et huic Deo nullam imaginem solebant effin-
 gere, quòd Diabolus maiestatem hanc quoq;
 obtineret, quæ perhibet, verum Deum nulla
 specie & effigie exprimi posse. Habebant
 tamen simulachra quàm plurima eaq; diuersa,
 inter quæ trium capitum erant sculpta, qui-
 bus etiam Diabolus Trinitatem in gente illa
 mentiebatur. Quemadmodum & pictores va-
 nissimi etiamnum faciunt, qui Deum trinum
 triplici vultu pingunt. Nec quicquam erat
 tam feracius vsitatusq; in religione Polono-
 rum Ethnica, quàm cultus simulachrorum, qui
 ut de talibus loquitur Lactantius, infecti
 persuasione, ac mentes eorum penitus succum
 stultitiæ perbiberint, adorabant insensibilia,
 qui sentiebant, irrationabilia, qui sapiebant,
 ex anima, qui vivebant, terrena, qui orti erant
 è cælo, stupendam audaciam habendi & co-
 lendi

Imagines
 trium ca-
 pitum qui-
 bus diabo-
 lus apud
 Polonos
 Trinitatē
 mentieba-
 tur.

Lactanti-
 lib. 2. de
 origine
 erroris,
 cap. 2.

lèdi simulachra, perstringens. Sed & alia sa-
 crificiorum genera obseruabāt, quæ ab Helmol-
 do exprimuntur. Inualuit, inquit, per vniuer-
 sam Sclauiam multiplex idolorum cultura,
 errorq; superstitionum. Et alijs verbis. His
 dicati erant Flamines & sacrificiorum liba-
 menta, multiplex religionis cultus. Porro
 solennitates dijs dicandas sacerdos iuxta for-
 tium nutum denunciāt, conueniuntq; viri &
 mulieres cum paruulis, mactantq; dijs suis ho-
 stias de bobus & ouibus. Pleriq; etiam de ho-
 minibus Christianis, quorum sanguine Deos
 suos oblectari iactitant. Post cæsam bestiam
 sacerdos de cruore libat, ut sit efficacior o-
 raculis capeffendis. Nam sanguine dæmonia
 facilius inuitari, multorum opinio est, quæ o-
 mnia, credibile est eos ad imitationem pri-
 mum Hebræorum factitasse, Sabbathum suum
 celebrando, in quo Conuentum frequentem
 virorum, mulierum, puerorum agebant, quo
 tempore sacrificabant, non D E O vero, sed
 ut seruus Dei dicit Paulus, dæmonijs. Quam

Helmoldo
 cap. 53.
 Polonis
 variae sus-
 perstitio-
 nes.

S imita-

August.
cont. Fab.
Maniche.
lib. 22.
cap. 17.
pag. 398.
1. Cor. 8.

Gen 4. c.

Angelo
rum n. al.
rum duc
vitia,

Origo
magi. 6.

imitationem omnem in cultu omni gentilium
graphice Augustinus hisce explicat verbis.
Veri Sacrificij, sicut religiosa pradicamenta
Hebraei celebrauerunt, ita sacrilega imita-
menta Pagani. Quoniam quæ immolant gen-
tes, ait Apostolus, Dæmonijs immolant, non
DEO. Antiqua enim res est, prænunciati-
ua immolatio sanguinis, futuram passionem
mediatoris ab initio generis humani, testi-
ficans. Hanc enim primus Abel obtulisse in sa-
cris litteris inuenitur. Non igitur mirum est,
si præuaricatores Angeli, quorum duo ma-
xima vitia sunt, superbia ac fallacia, per
hunc aërem volitantes, quod uni vero DEO
deberi nouerant, hoc sibi à suis cultoribus
exegerunt, à quibus Dii putari voluerunt,
dante sibi locum vanitate cordis humani:
maximè cum ex desiderio mortuorum consti-
tuerentur imagines, unde simulachrorum
usus exortus est, & maiore adulatione diui-
ni honores deferrentur, tanquam in cælum re-
ceptis, pro quibus se in terris dæmonia colen-
da sup-

da supponerent, & sibi sacrificari à deceptis
& perditis flagitarent. Hæc nimirum Polo-
ni priscis illis temporibus, fascinati à dæmo-
nijs sacra habebant, quibus honores diuinos
Dij hisce suis decernebant. Idolum etiam
Podaga, vel ut Crantzius habet, Pogaga,
quod verius Pogoda lingua nostra diceret,
hoc est, DEV M serenitatis, quem alio no-
mine Zywie, nimirum auram vitalem voca-
bant, habebant. Quod quidem Idolum idè
religiosissimè colebant, quo omnem perturba-
tionem & inclementiam cæli ab aruis & cam-
pis suis auerterent. DEOS insuper alios
more aliarum gentium venerabantur, Mar-
em præcipuè tanquam militiæ, cui omnem o-
peram nauabant, præsidem patronumq: Plu-
tonem item inferni DEV M, cuius templum
amplissimum G N E S N Æ fuit, N Y A
vocatam, honore, prosequiebantur maxi-
mo, idq: ob metum infernalium pænarum,
quas post mortem superesse credebant, etsi
cum morte temporali omnia putabant finire.

Idolū Po-
goda di-
ctum,

Mars Dei
us militiæ.

Pluto Dei
us inferni
cuius pæ-
nas formi-
dabāt Po-
loni gens
tilis.

Venerem

Dea Ven.
Dzievva
na dicta.

Festa Hi-
laria.

Bachana-
lia.

Venerem etiam, quæ ad omnia veniat, augu-
stè Venerabantur, quam Dziewanam, hoc est
Dziewoije vocabāt, quod esset Dea & patro-
na puellarum mulierumq̃. Hilaria quoq̃, la-
titiae celebritas, illis Romano more fuit in u-
su, cui DEOS, quos Lelum, Polelum voca-
bant, tanquam conuiuales patronos præsicie-
bant. Quos in ducendis choreis canentes ac
plausum dātes, Hei Lelum, Polelum usurpa-
bant, hac latitia honorem dijs suis promouen-
tes, sibiq̃, fausta gaudia precantes, & ne quid
in his dijs suis indignum agerēt præscauentes.
Quem morem etiamnum passim in CHristia-
norum pagis & oppidis, verum dispari reli-
gione & virtute, mulieres benè potæ &
procaces, facere consueuerunt. Celebrabant
præterea ipsa Bachanalia magno sodalitatis
concurſu, quem Stado vocabant, hoc est ca-
teruam ac colluiem promiscuam hominum
masculorum & mulierum. Qui eo tempo-
re quo nos diem Pentecostes maximum ac fe-
stum obire consueuimus, fixis in terram fron-
dibus,

dibus, & in his extremo tempore diei, appen-
sis lucernis, gregatim per forum & plateas
cursitabant, obscæna quæq̃ patrantes. Quæ
etiam Christiani malè feriati in multis locis,
Ethnicismum exprementes & reuocantes, au-
dacter proiecta fronte faciunt. Huc adsero
alia, quæ in usu habebant, quibusq̃ religio-
nem suam testabantur, utpote natalitia festa,
quæ solenni cum conuiuio celebrabant, idq̃
more aliarum gentium, quæ in vitam hanc
venire maximi ducebant, minimè illud re-
putantes, quod melior sit dies mortis die na-
tiuitatis, teste sapiente. Fuit etiam illis
celebritas, quam Athenienses OEnisteria vo-
cabant, quam pubescentes Ephebi perage-
bant, antequam comam attonderent, quam et-
iam dijs consecrabant. Quemadmodum Plu-
tarchus scribit, tempore Thesei eos, qui ex
Ephebis excessissent, de comis primitias of-
ferre consueuisse, quod & Mieczslau in
pueritia fecisse, legimus. Habebant & fune-
sta sacra, parentalia dicta, pro recordatione
& expia-

Festa na-
talitia.

Ecclesia-
stes cap 7.

OEniste-
ria festa.

Plutarch-
us in Theseo
pag. 1.

Funesta
sacra.
Feralia.

& expiatione suorum mortuorum. Feralia
item Romanis illis nota, dies Dijs manibus
consecrati, cum ad tumulos epulas ferrent,
ibiq; canas & epulum agitarent. Sed hac
breuibus, de religione priori gentili Polo-
norum, me exarasse sufficiat, parti primæ
huius Chronici finem ut imponam.

Honor & laus sit illi, qui dedit vel-
le, dabitq; perficere.



**AD REVERENDVM VIRVM
DN. ERASMVM GLICZNERVM.**

Historiam, Lucem, Speculum, vitæq; Magistram;
Ac Speculam, veterum Musa polita vocat.
Lycem, quod visenda facit, quæ tecta latebant.
Nec finit offenso nos titubare pede.
At SPECVLVM; quia curua notās & recta, pudendis
Quid maculis distent non maculosa, docet.
RECTRICEM vitæ; mores quia format & ornat.
Quidq; sequi deceat, quidq; cauere, monet.
Sed SPECVLAM; quoniam per facta Futura reuelās,
Argos aut etiam Nestoras esse facit.
Ergo, viros merito dignemur oportet honore
Hos, quibus historiam condere cura fuit.
In quorum numero cum tu GLICZNERE, nitescas;
Ingenio parta laude perennis eris.

AD LECTOREM.

Historiam veterum GLICZNERVS texere regum
Aggressus, cunctis utile mouit opus.
Nam velut in specula monstrās, quid prosit & obsit,
Ut bonus & prudens inueniāre, docet.
Scilicet exemplis morum documenta valescunt;
Exemplis virtus creuit & aucta fuit.

M. HVLDR. SCHOB.

ST. KENNETH'S CHURCH
DUBLIN

The church of St. Kenneth, in the parish of St. Andrew, Dublin, was founded in the year 1190, by the Earl of Desmond, who was then Lord of the Connaught Marches. It was dedicated to St. Kenneth, a native of Ireland, who was a disciple of St. Columba. The church was built of stone, and was a fine specimen of the architecture of the period. It was destroyed by fire in the year 1790, and was rebuilt in the year 1800, in the style of the original building. It is now a fine and well-kept church, and is a great ornament to the city of Dublin.

ST. KENNETH'S CHURCH
DUBLIN

The church of St. Kenneth, in the parish of St. Andrew, Dublin, was founded in the year 1190, by the Earl of Desmond, who was then Lord of the Connaught Marches. It was dedicated to St. Kenneth, a native of Ireland, who was a disciple of St. Columba. The church was built of stone, and was a fine specimen of the architecture of the period. It was destroyed by fire in the year 1790, and was rebuilt in the year 1800, in the style of the original building. It is now a fine and well-kept church, and is a great ornament to the city of Dublin.

Hist. Poloniae

a. gen.

p. 15.

